

古  
逸  
丛  
书





影舊鈔卷子

本文館詞林

古逸叢書之十五

欽定四庫全書

本

遵義黎  
氏校刊

雨林

景書園卷子

文館詞林卷第一百五十六

中書令太子賓客監修國史文館學士柱國高陽郡開國公臣許敬宗等奉

勅撰

四言

西晉歐陽建答石崇贈一首

西晉摯虞答伏仲武一首

西晉摯虞贈褚武良以尚書出為安東一首

西晉摯虞贈李叔龍以尚書郎遷建平太守一首

西晉鄭豐答陸士龍四首并序

西晉張翰贈張弋陽一首

西晉陸機答賈謐一首并序



西 贈顧令文為宜春令一首

西 贈武昌太守夏少明一首

西 晉孫承贈陸士龍一首

西 晉陸雲答孫承一首

西 贈鄭曼季四首 併序

西 晉張載贈司隸傅咸一首

四言

答石崇贈一首

於鑠我舅明德塞違俾扞東藩在徐之邳載播其惠  
載揚其威濟寬惟猛方夏以綏光啓先業增曜重暉  
咨余沖人艱苦攸離過庭無聞頑固匪移寔賴慈誨

導之軌儀仰遵嘉詠俯蹈明規如葛斯蔓如椽之垂  
旋機迴度逝者如流日与月与稔冉代周自我之曠  
載履春秋瞻望遐路邈矣其悠心之云慕思結綢繆  
人亦有言爰而勿勞淮渭河廣曾不容刀乃徂來邁  
適此西郊在乾之二爰著茲爰我邁君子仰之矜高  
巖々其高即之惟温居盈思冲在貴忘尊縱酒嘉讌  
自朋及昏無幽不折靡輿不論人樂其量士感其敦  
峇伏仲武一首

西晉摯虞

崇山栖鳳廣泉含螭洋洋大府儁德攸宜用集羣英  
叅翼弘規皇暉增曜明兩作離其爰有伏生東夏之  
秀盛德如新畜智如舊雝材積藝待時而茂九德殊

塗道將焉就其二邂逅之遇良願是適同閑比屋笑語  
卒獲望宋謂近曾不咫尺一葦則抗矧茲隔壁其三既  
近其室不遠其心齊此篤愛惠予好音金聲玉振文  
豔旨深孰不歌詠被之瑟琴

贈褚武良以尚書出為安東一首

蕩々大晉奄有八荒畿服既寧守在四疆桓々褚侯  
鎮彼遐方變文膺武々出龍驤其一武有七德衆鮮克  
舉帝用是難洲咨既普雖有周親唯能是与大同之  
吉歸美于褚其二褚侯之邁人望實大企彼江淮眇焉  
如帶智名不彰勇功斯廢靡德而稱靡仁而賴其三濟  
々百辟穆々皇朝雖則異事誰非同寮出者眷之虞



者戀之情發於中用著斯詩

贈李叔龍以尚書郎遷建平太守一首

我有良朋時惟李生拊翼岐蜀翻飛上京明試以功

聿駿有聲三載考績剖符建平其惟彼建平居江之

瀨明之在上率下和會誰謂水深曾不浮芥誰謂曠

遠王道無外其亦既受命作式南蕃樞機之發化流

夷蠻多見闕殆以慎余愆無自立辟而踰短垣其龍

愛同泉鳳戀共林之子云往我勞於深既有行李以

通其音南龜象齒實將云心

答陸士龍四首

西晉鄭豐

鴛鴦羨賢也有賢者二人雙飛東嶽揚輝上京其兄

已顯登清朝而弟中暫婆娑衡門然其勞謙接士吐  
捉待賢雖姬公之下白屋洙泗之養三千無以過也  
乃肯垂願惠我好音思与其遊道德之樂結永好之  
懽云尔

鴛鴦于飛在江之涘和音交暢拊翼雙起朝遊蘭池  
夕宿蘭沚清風翕習扇彼蘭芑凌雲高厲載翔載止  
其鴛鴦于飛載飛載吟有爵浚斨實惟桂林芳條高  
茂華繁垂陰爰翔爰憩其南有馥其芬協我好  
音<sub>二</sub>其鴛鴦于飛垂雲高翔有嚶其友戢翼未翔澹淡  
素波容与趨侶雖曰戢止和音遠揚我有好爵与子  
偕當<sub>三</sub>其鴛鴦于飛徘徊翩翩載頡頏願侶鳴群有



鬱蘭臯冽彼清源駕言遊之聊樂我云思与佳人齊

懽順川其鴛鴦于飛或矯或遊習々谷風扇彼清流

春草揚翹黿魚沈浮感物興想我心長憂誰謂河廣

增不容舟企予望之搔首踟躕其鴛鴦于飛載和其

鳴懷尔好音寘我中情人亦有言心得遺刑探我木

瓜投尔瑤瓊匪繫日報永好千齡其

南山酬至德也君子在衡門脩道以養和弃物以存

神人思其化士懷其德或思置之列位或思從之信

宿詩人嘉与此賢當年相遇又屢獲德音倩懽心至

故作是詩焉

陟彼南山言采其蕭樂只君子邦家之翹克茂厥猷



至道是收耽道以儉廣愛以周嗟我懷人永好千秋  
一其適彼江潭言釣其鱖有羨碩人自公遐處羔裘道  
遙輔德退攀白駒邈時俗事孰与思我猗人寘之音  
序有客信宿獨寐寤語二其天高地卑玄黃烟煜人道  
交泰自昔先人耽文合好輔位与仁管叔罕喬曠載  
鮮鄰脩組絕結玄矢生塵咨我与子邁會當身琴瑟  
在御永愛纏綿三其盤彼江深言泳其潭所謂伊人在  
川之陰養和以泰樂道之潜錦衣尚絅至樂是耽興  
言永思繫懷所欽愛而不見獨寐寤吟四其詩以言志  
先人是經乃惠嘉訊德音惟馨欽詠繁藻永結中情  
華文傷實俗士所營達人神化反之混冥交弃其數

言取其誠思与哲人獨寶其貞

其五

蘭林懽至好也有君子代濟其美英名光茂遭時暫  
否畜德衡門願我殷勤屢辱德音思与結好以永不

刊

瞻彼蘭林有翹其秀有斐君子邦之碩茂厥德伊何  
固天攸授如川之原如山之富回流清泉啓襟開袖  
搢紳晞風人用胥附其猗碩人如玉如金沃其明  
哲克廣德心習凱風吹我棘林飛鴉萃止允懷好  
音悠征徒輶德鮮任嗟我猗人實味實耽其在昔  
延州鵠鳴江涯今我陸子曠代繼音身乖千載德音  
並馳漸鴻遵渚宛其羽儀安得高風騰翮天池其飛



龍蜿蜒山谷氣翳猛獸嘯吟清風高厲情同來感數  
乖身逝夷範齊懽專名前代愷悌君子人之攸慙咨  
予遭時千載同愛嘒垂隴之會匪詩不宜嗟我懷人  
斯恩殷勤德音來訊有蔚其文耀々儻兜匪迹不存  
誠在心德愛法忘言其五  
瞻彼中陵蘭蕙猗々顯允君子樂且有宜沈仁育物  
玄聰鏡機德充闡庭名逸南畿祁々俊又言酌言依  
其鼓鐘于宮百里震聲亶々令問歸我偉貞厥震伊  
何駿奔以驚厥問伊何人肯以寧有鶴在陰非子誰  
鳴我有好爵非子孰盈其二潛龍遁初有鳳戢翬王猷  
未泰彛倫錯違臬問重管係尔啓扉庶績迨數非尔



鳥綏翼々京宇尔瞻尔晞人之肯望如渴如飢其德  
音來惠覆玩三周沈潤泉洞逸藻雲浮結心所親曷  
顯曷渝路隔河梁一葦限殊終朝之思三秋是喻愛  
而不見興言跼踖其

贈張弋陽一首

西晉張翰

時道立曠階軌難尋散纓放冕負劔長吟昆弟等志  
託茲幽林立墨澄氣虛靜和心其惟我友愛纏綿往  
昔易尚去俗携手林薄輕露給朝遺英飽夕逍遙永  
日何求何求何索其潛光重陰抱悴如榮絕路既續  
捨我遐征東帶皇城升降都城爰賴爰慕仲予中情  
其負薪弗克耕者妨力鍾儀彈弦顧瞻先職遺其綿

綿憂心慘惻乃抗乃拔釋我繞邑其將逝命駕陟彼  
郊圻和鸞搖響載驅載馳言告分別言歸心怨辭苦  
張高弦哀其楊柳可卷去在斯時流液可折豈云旋  
歸行役必偕傷我長離借喻孤禽矜翼翩栖其昔我  
惟樂羣居多時今我斯懷纏綿萬里人亦有分或通  
或否行矣免致我誠永已

荅賈謐一首

并序

西晉陸機

余昔為太子洗馬魯公賈謐以散騎常侍、東宮積  
年余出補吳王郎中令元康六年入為尚書郎魯公  
贈詩一篇作此詩荅之

伊昔有皇肇濟黎蒸先天創物景命是膺降及羣后



迭毀迭興邈矣終古崇替有徵其在漢之季皇網幅  
裂大辰匿暉金獸曜質雄臣騰鶩義夫赴節釋位揮  
戈言謀王室其王室之亂靡邦不泯如彼墜景曾不  
可振乃眷三哲俾乂斯人啓士綏難改物承天其爰  
茲有魏即宮天邑吳實龍飛劉亦岳立于戈載揚俎  
豆載戢人勞師興國玩凱入其天厭霸德皇祈告豐  
獄訟違魏謳歌適晉陳留歸蕃我皇登禪庸岷稽顙  
三江改獻其赫矣隆晉奄宅率土對揚天人有秩斯  
祐惟公太宰光翼二祖誕育洪胄慕戎于魯其東朝  
既建淑問峨峨我求明德濟同以和魯公戾止衮服  
委蛇思媚皇儲高步承華其昔我遠茲時惟下僚及



子栖遲同林異條年殊志密服外義稠遊跨三春情

固二秋其祗承皇命出納無違往踐蕃朝來步紫微

升降秘閣我服載暉孰云匪懼仰肅明威其分索則

易携手實難念昔良遊茲焉永歎公之云感貽此音

翰蔚彼高藻如玉如蘭其惟漢有木曾不踰境惟南

有金萬邦作詠人之骨好指狂厲聖儀形在昔予聞

子命其

贈願令文為宜春令一首

藹々芳林有集惟嶽壘々明哲在彼鴻族淪心渾無

遊精大樸播我徽猷其彼振玉其彼玉之振光于厥

潛大明貞觀重泉匪深我有好爵相尔在陰翻飛名

都宰物于南

其二

禮弊則偽撲散在華人之秉夷則是

惠和變風興教非德伊何我友敬矣俾人作歌

其三

交

道雖博好亦勤止比志同契惟予與子三川既曠江

亦永矣悠悠我思託邁千里

其四

吉甫之役清風既沈

非子之豔詩誰云尋我來自東貽其好音豈有桃李

恧子瓊琛將子無矧屬之翰林變彼靜女此惟我心

其五

贈武昌太守夏少明一首

穆之君子明德允迪拊翼負海翻飛上國天子命之

曾是在服西踰崑岡北臨河曲

其六

尔政既均尔化既

溥舊汙孔脩德以振人雍之鳴鶴亦聞于天釋厥緇



衣爰集崇賢其二羽儀既奮令問不已慶雲烟煜鴻漸

載起峨峨紫闥侯戾侯止彤管有煒納言崇社其三既

考尔工將昨尔庸大君有命俾守于東允文允武威

靈以隆之子于邁介夫在戎其四悠々武昌在江之隈

吳未喪師為蕃為畿惟此惠君人肯攸希弈々重光

照尔繡衣其五人道靡常高會難期之子于遠曷云歸

哉心乎愛矣永言懷之瞻彼江介惟用作詩其六

贈陸士龍一首西晉孫承

五龍戢號雲鳥慕紀淳化既離義風載始軒冕垂容

文教乃理弈其七洪族盛德豐祀其八於赫皇吳應天統

文丞相文烈公光讚勲九命皇耀茂德殫勤華黼龍



藻金石載振

其二

美哉陸生丕顯洪胄亦崇懿風邈此

弘裕無競厥德豐光伊茂交以義好施以仁富

其三

山

積惟峻道隆名遐潛景在泉龍耀承華既淑尔儀誰

不允嘉有灌重泉載清其波

其四

濟々皇朝峩々髦士

序爵以賢唯雋萃止翩翩二宮令問不已乃遷華閣

皇豐斯紀

其五

思文大謨恢我王猷清風肆穆雅憲允

休邁彼江川邈此北流微言蘭馥玉藻雲浮

其六

遭時

之險虐宰滔天憑德美重繫此雋人休否既亨名以

德宜清徽伊鏢鑽之矜堅

其七

明々大象玄鑒照微顯

允君子求福不回善挹餘慶險以德祈澄濁以清罔

有不暉

其八

釋彼短寄樂此窈冥形以神和思以情新

青雲可乘芳餌可捐達觀在一萬物自賓其九制動以

靜秘景在陰靈根可栖樂此隈岑關捷重閉誰和子

音瞻彼晨風思託茂林其十

答孫承一首

邈矣上祖垂休萬葉廣問弘被崇軌峻躡高山克荒

大川利涉繁茲惟祐風連雲接其十一大人有作二后利

見九功敷奏七德殷薦鼎寶重飪芳烈再扇弈葉弘

道天祿來宴其十二道弘振古祈來替令如彼在川亦有

浮沈大韶既系響比我音豈曰荒止塗弗剋尋其十三昌

風改物豐水易瀾百川總紀四海合源在彼焉取聿

來莫觀曾是褊心敢忘丘園其十四貞暉偏照玄澤繆盈



發彼承華頓此增城託景靈雲倦遊戶庭匪曰能之

實忝長纓其五煥矣金獸襲我皇猷孰云匪老仰媿倉

流往蹇來反弭迹一丘變彼東朝言即尔謀其六卓々

孫子洪族之紀志擬龍潛德配麟心弘義朗節克明

峻軌遵彼中臯於穆不已其七於穆不已天都是階之

子于命久應如頽厚德時邁協風允諧惠此海湄俾

也可懷其八乃眷林澤樂我河曲解紱投簪披褐懷王

遺情春臺託蔭寒木言念伊人温其在谷其九道俟人

行辭以義輯和容過表余未云執惠音高播清風駿

集懷德形悔臨篇景立其十

贈鄭曼季四首其序

西晉陸雲



谷風懷思也君子在野愛而不見故作是詩言其懷而思之也

習之谷風扇此暮春玄澤墜潤靈華烟氲高山熾景  
喬木興繁潤波清涌芳澍增源感物興想念我懷人  
其習之谷風載穆其音流芳鼓物清塵拂林霖雨嘉  
播有揜淒陰歸鴻逝矣玄鳥來吟嗟我懷人其居樂  
潛明發有想如結予心二其習之谷風以溫以涼玄黃  
交泰品物含章潛介泉躍飛鳥雲翔嗟我懷人在津  
之梁明發有思凌波褰裳三其習之谷風有集惟喬嗟  
我懷人於焉逍遙鸞栖高岡耳想雲韶拊翼墜夕和  
鳴興朝我之思之言懷其休四其習之谷風其音孔嘉

所謂伊人在谷之阿獸質山嘯龍輝泉播南有箕山  
匪休其和有球天畢戢尔滂沱懿厥河漢耽彼大華  
明發有懷我勞如何其五

南衡羨君子也言君子邈俗不悶以德存身作者思  
其以德來仕又願言就之宿感白駒之義而作是詩  
焉

南衡惟岳峻極昊蒼瞻彼江湘惟水泱泱清和有合  
俊乂以臧天保定尔茂以瑰光景秀濛汜穎逸扶桑  
我之懷矣休音峻揚其穆休音有來肅雍沈波踊  
奧泉芳馥風僚虛養恬照日遺蹤考盤遵渚思樂潛  
寵我之懷矣寘尔華宮其二和璧在山荆林玉潤之子

于潛清輝遠振克稱輔德作實有音和聲在林羽儀  
未變我之懷矣有客來信其風雲有作應通山泉清  
琴啓彈宮商乘弦類族知感有命自天夷叔曠代猶  
謂比肩矧我与子姪會斯年我之懷居其好纏綿其  
古人有言詩以宣心我之懷矣在彼北林何有於煥  
斯文瓊瑰非寶尺牘成珍豐華非妙得意惟神河魴  
登俎遭逢清川其  
鳴鶴羨君子也太平之時君子猶有退而窮居者樂  
天知命無憂無欲收碩人之考槃傷有德之遺俗故  
作是詩

鳴鶴在陰戢其左翼肅雍和鳴在川之域假樂君子



祈尔明德思樂重虛歸于其極嗟我懷人惟馨黍稷  
一其鳴鶴在陰其鳴喈喈垂翼蘭沼濯清芳池假樂君  
子其茂猗々底之瑰實有粲瓊瑤乃振袿裳襲尔好  
衣嗟我懷人啓襟以晞其鳴鶴在陰其儀藹々謂天  
盖高和音于邁假樂君子篤膺俊乂穆風潛烈興雲  
戢蒼德茂當年時愆嘉會安得磐藻改尔縞帶嗟我  
懷人心烏慷慨其鳴鶴在陰載好其聲漸陸儀羽遵  
渚回淫假樂君子祚之篤生德耀有穆如瑤如瓊視  
流濯髮滅景遺纓安得風雲雨尔北冥嗟我懷人惟  
用傷情

瞻彼高崗有猗其桐允也君子實寶南江負規啓裕


沈矩履方詠此明流清瀾川通陟彼衡林味其回芳  
其馥矣迴芳綢繆中原祁之庶類薄采其芬栖遲秘  
上容与衡門聲播東紀響溢南雲其穆之闔闔南端  
啓籥庶明以庸帝聽式闢有鳳于潛在林栖翮非子  
之祚孰与好爵其幽居玩物頽景自頽發憤潛惟仿  
彿有思予美亡此終然肯來企予興言惟用作詩其  
贈司諫傅咸一首

西晉張載

皇靈闡曜流英敷醇苞光含素以授哲人於赫洪烈  
寔子厥真慮該道機思窮妙神汪穆其度煥蔚其文  
實茂成秋華繁榮春清藻既振乃郁乃彬德風雲暢  
休聲響震其侔蹤古昔越軌曩朝外駭方域內冠皇

寮峨峻極誰其能超出莅宰守播化丞苗入毗帝  
 猷翼讚均陶道殊顏孔勲擬伊臯其太上立本至虛  
 是崇猗欵清規允迪斯冲韜納無方以光徽融嗟我  
 昏矇懷賢仰風其思存豫屬厠于末徒沐浴芳源儀  
 形訓模重仞幽秘頽陟其塗其彼海湯涓流所歸  
 鱗宗龍翔鳥慕鳳飛瞻賴高景曷云能違未見君子  
 載渴載飢其

文館詞林卷第一百五十六



凡四千九百十言





文館詞林卷第一百五十七

詩十七人部古贈答六雜贈答三

中書令李賓客監修國史知文館學士上柱國高陽郡開國公臣許敬宗等奉

勅撰

四言

西晉曹摅贈韓德真一首

贈石崇一首

贈王弘遠一首

贈歐陽建一首

答趙景猷三首

西晉棗腆答石崇一首

西晉棗嵩贈杜方封一首

西晉盧謨贈荀彥將一首

西晉夏靖答陸士衡一首

東晉郭璞答賈九州愁一首

与王使君一首

答王門子一首

贈温嶠一首

東晉梅陶贈温嶠一首

東晉王胡之贈安西庾翼一首

答謝安一首

東晉孫綽贈温嶠一首

与庾冰一首



文淵閣  
卷許詢一首

贈謝安一首

東晉謝安與王胡之一首

東晉郝超答傅郎一首

東晉羊徽贈傅長猷傳時為太尉主簿入為都官

郎一首

答丘泉之一首

四言

贈韓休真一首

西晉曹攄

赫以顯族冠蓋之葛延王室之馭萬帝家如地之岳  
如天之河之爰有韓生體德逶迤玉質含章珪白無瑕

庇岳之崇蔭林之華朝遊龍泉夕棲鳳柯同宿望舒  
參轡羲和弘曜日月不榮若何其時不久留日月其  
除玄景嗟馳忽淪棗榆惜此寸陰念彼白駒昔齊驥  
眾今則異塗我預吳坂子亨天衢尔足既駿尔御亦  
殊顧我驚蹇能不踟躕取譬草木假喻龍魚其松以  
冬凋蘭以春芳龍升在雲魚沉于梁大地未綴華秀  
梓旁傾質惠夙晞采朝陽燼微難熾根朽不長爛不  
自燭榮於何望幽室誰照冀子餘光其餘光不照怨  
在貧婦谷凡遺舊伐木敦友嗟人人間一薄一厚時  
無展禽減文何咎蕭生既沒誰与結綬攝余衣冠歸  
守止早平生之要不忘在久枉尔結駟軾我壟畝其

贈石崇一首

昂々我牧徒惟人豪作鎮方岳有徽其高英凡遠扇  
峻跡遐招攻璞荆岬滋蘭江臯朝採芝蕙夕玩瓊瑤  
豈乏珉石乃牧艾蕭髦雋在位多士盈朝雖欣嘉願  
懼忝班僚其人亦有云上明下真匪唯具臣諤々在  
側謹言既奏朝有正色翰飛冲天必假羽翼咨余承  
乏与属備職曾無補益徒竭心力龍旗反旆鸞駕迴  
軾願尋塵軌以除其逼其美茲高會憑城臨川峻墉  
元閣層樓闢軒遠望長州近察重泉鬱々繁林蕩々  
洪源津人思濟舟士戲舩得廁大歡屢蒙賓延飲必  
鄙綠肴則時鮮仰接温顏俯聽話言嘉我乃遇遭彼



頻煩其浮萍依水寄生附林託根清流委積重陰顛

樹之茂樂川之深太陽移宿葵藿傾心至誠苟著雖

微難禁况与夫子利齊斷金敢敷中懷貢之所欽其

贈王弘遠一首其西晉曹摅

道貴無名德尚寬欲俗牧其華我執其朴人取其榮

余守其辱窮巷湫隘環堵淺局肩廬弗暨茅室不斲

潦必陵階雨則浸楸仰懼濡首俯惟塗足妻孥之陋

如彼隸僕布裳不衽韋帶三統將乘白駒歸于空谷

隱士良苦樂我勢族其介樂伊何志逸樂深太府堂

閑房惜々早不厭日水不患霖入懽卓氏出玩秦

鉞寵妻懷目嬖子娛心華屏列曜藻帳垂陰纓黻流

芳羅襦解衿嫵婉之求一啖千金忽彼苦誠甘此所  
欽言往不訓秘其德音其採石他山攻璞南荆雖無  
和璧冀牧瑤瓊日月愈久曾無玉声傾心注耳寤焉  
靡聽桃李不報徒勞我誠瑾不匿華蘭不秘馨何惜  
織翰莫慰予情

贈歐陽建一首

西晉曹掾

嗟我良友惟彥之選弱冠參戎既立南面或踊而升  
蔚煖其變豈徒虛声考績畿甸約政理繁事省功辯  
如何勿思自我不見乃命僕夫北臨其縣其義闕三  
益試替離羣側想讜言願同蘭芬謂芒盖高載越其  
墳涉境登朝信惟惠君烈烈威禁肅如風雲誰言善



蔽在幽必聞鶴鳴既和好爵亦分其昔有豹產實能  
鄭在漢黃邵剋堪敷政著名上代千載遺詠仰瞻先  
蹤可不斯競方六七十觀化賢聖分河跨土於茲為  
盛茂勉不墮古人所病其湯其洪川朝宗于海芒々  
甫田稼穡攸在瞻彼南畝勤卹無殆鑒此長流朝夕  
莫改念茲在茲非孰肯慎慎終如始令問遂倍

答趙景猷詩四首

西晉曹攄

於鑠趙生載徂相紹挺此令寢素質皎々投跡清規  
研思至道擬秋厲節晞春振藻其厲節伊何如霜之  
榮懷玉匿采抱蘭秘馨蔽器俟賈潛秀養英其海蓄  
其流山積其壤表崇望顯源深潤廣仰惟我友含光



昧爽誰謂未章今將宣朗三其守真良難知德者解賢

不問時樂在為善陟彼弥高流川日遠無憂不至敦

尔攸踐四其道有夷險遇有通否驥不称力士貴所履

識歸要會豈嫌塗軌苟非位義於我糠粃五其泉竭龍

逝樹茂鳥聚蔚彼北林招其侪侶嗟我孤根枝葉骨

之歲寒靡託遠播江渚六其濟之京華隽又並湊悠悠

遐裔我獨是赴哀此離羣悲彼孤陋非無新好人則

惟舊七其義著往業分珍來襲庶幾与子終茲不教豈

如冬夏寒暑易節斯誠既著信不待擔八其實望嘉贈

披懷發中直諫未聞属致謙冲投于幽谷試之已崇

客過行雲虛其旋風九其導以水柔示以火急寬猛相

濟孰能企及古人難慕洪流巨挹軀小裁薄余將烏  
襲其翟氏載離陳張終辱交以時利胡能不黷竊恠  
吾子自疑末俗愧以沙礫何言金玉其  
汎舟洛川濟彼黃河乘流浮蕩儵忽經過孤栢亭  
迴山峩々水卉癸藻陵木揚葩白芷舒華綠英垂柯  
遊鱗交躍翔鳥相和俯玩璇瀨仰看瓊華願想風人  
伐檀山阿存彼魚人滄浪之歌邈々淪漪滔々洪波  
大道孔長人生幾何俟瀆之清徒嬰百羅今我不樂  
時將蹉跎蕩心肆志与物無瑕歡以卒歲孰知其他  
季秋惟末孟冬之初大火頽流日月其除嗟我懷人  
離羣索居山谷乖錯飛沉異塗与尔同代光景永殊



爰而不見搔首踟躕出門仿佯陟彼城隅俯察綠水  
仰瞻天衢雍雍和鷹偏遊鳧感物興懷憤思鬱紆  
脩夜悠々寐々閑處情在心想中宵寤語有鳥自南  
寄聲謝汝飛鳥難期徒獨延伫精誠之至崩城隕霜  
韓凡丹青化為鴛鴦止必交頸飛必雙翔願言与汝  
携手同行情若比目離如參商遺夢想象仿佛暉光  
中心鬱滯伊懷永傷素秋授終立節敬御逝將離征  
我整我車命彼僕夫駕言北徂告别津裔執手岐路  
汎舟中流原注載邈臨河歎逝眷々長顧越登關阻  
踰歷山川峻阜隆崇流水泉泣曠野冥莽脩塗泝綿  
鳥鳴雍々木落繽翩薄寒吹悽微風交旋惟時愴余



悼物惻然遠思遙奔近念因捐良夜弗寐嘉肴弗滌  
停駕踟躕進路槃桓心亦何為願懷所安嗟行伊久  
慨其永歎氣感異類誠發心肝離禽赴衡偏鳥鳴軒  
思如尋縈莫知其端古人罔極今我不爽願言所欽  
唯子靡兩情存口詠心憶目想形遊神還身去意往  
伫立不見瞻望佛仿婉孌西路遺憂養々人則惟舊  
我好惟新一日之隔悠若三春矧乃于別越魚二旬  
薄暮愁予思亦終晨耿耿不寐媚茲良人今也亡此  
誰與獨勤夕宿路麋朝發澤濱良駟蹂足輕車結輪  
替脫俛仰荏苒時馳秋來冬及節變歲移慕々之菜  
漂然去枝蔽芾豐草殞其黃萎無生不化我心匪野

眷々屈生哀彼乖離遲々揚子哭此路岐繾綣之情  
鄙我人斯達者無累內顧何為

峇石崇一首

西晉棗腆

昔我不造備嘗巔沛后土傾基皇天隕蓋少懷蒙昧  
長無耿介遺訓莫聞出入靡賴如彼泉流不絕若帶  
終懷永思感昔康泰我甥敷命于彼徐方載詠陟岵  
言念渭陽乃泝洪流汎身餘皇宵寢晨逝曷路之長  
亦既至止顛言以寫爰有石侯作鎮東夏寬以撫戎  
從容柔雅獸嘯幽巖翔夙扇起逸響既振衆聽傾耳  
恂々善誘大揖羣士宗道投意結心万里我固其終  
人結其始宗道伊何英朗特雋如彼凌高日以增峻



隰朋有慕顏生希舜遊志域外滌除鄙吝仰止晨風  
豫登數仞我聞有言居安思危位極則遷持至必移  
上位無欲遺道不為妙識先覺通夢皇羲竊覩堂奧  
欽蹈明規

贈杜方村一首

西晉棗嵩

爰有良木結基崇岸孤根挺茂豔此豐幹晞曜朝陽  
接潤辰漢如彼芳松繁華冬榮其一厥豔伊何重英累  
茂厥榮伊何既苗而秀綽矣杜生應期特授人以位  
瞻而能義富其二浩々万區悠々俗網變化無際誰鑒  
其象慎微將來積著在往惟子居之久而不爽其名  
以實顯形端景立弘之匪他唯我所執文莫如人瞻



望弗及若在聞一其殆知十其肇允發縱履霜之始

乃自童矇芬葩乘梓鳴鶴在陰縻爵君子羽儀上京

弱冠來仕其在動能躍處靜思默既宣厥文亦茂其

位韞□蓬林允衡上國洪音振朗暉曜四塞其達節

無累貴彼脩身不求善已而務得人進替惟意與時

屈申萬物云々飄若埃塵其假翼巖阿束翻景雲挫

銳者易解能解紛位之休明卓焉出羣豈獨吳起高

謝田文其余與吾生處非先後神結傾蓋情固白首

推年下交以文會友忠焉之誨望子善誘其積細靡

隊一覆斯崇訓致以道堅冰則終雖小必大無往不

隆嗟我良朋敬承清風其

贈荀彥將一首

西晉棗嵩

光之國寶曰瑜曰瑾濟之清朝曰髦曰雋瑜瑾既琢

有溫其潤髦雋既集芳凡其振其一顯允荀生天挺厥

真沉識膚敏溫粹淵仁初應宰命徽音惟新遂假蒲

密簡在至神其二時惟惠后黎人攸綏乃授明位賦政

近畿戢翼太清翻然鳳飛尋此遐躍曜彼遠暉其三昔

在豹產顯名當時及尔祖公播声于茲赫之顯名在

尔揚之穆之播声在尔光之其四孰謂玉寶匪我所珍

孰謂言輕乃重千鈞勉樹惠化敬及厥身引領南望

之子清塵其五

谷陸衡一首

西晉夏靖



大哉乾元萬品資生陶育五常惟濁惟清猗欵君子  
誕稟純精行歸于周忠篤允誠伊何拔羣出俗  
華文不脩抱此素樸履謙居沖恒若不足上交不諂  
下交不瀆倬彼雲漢於章于天九五翻飛利見大人  
有命是收是招時行則行遂升東朝光  
天同其曜匪徒一臺天同其照爾德又簡尔才  
將登三事百揆是釐據仁為本杖義為典經緯三墳  
錯綜衆書斟酌聖奧与道卷舒靡陸生帝度其心  
靜恭夙夜莫其德音德音既莫其美弥深為物之主  
為士之林天作高山大王荒之蕩荆士子其康之  
夙俗未敷子其臧之羣彥未叙子其經之忝榮剖符



悠悠在茲羔裘豹祛有愧不能乃眷我願爰貽休詩  
嘉覩嘉藻以為清規敢銘妙言終始永思

答賈九州愁詩一首

東晉郭璞

廣莫貳寒玄英啓謝感彼時變悲此物化獨步閑朝  
哀嘆靜夜位非顏原屢空蓬舍輕服御冬藍褐當夏  
正未墨突逝將命駕幸賴吾賢少慰藉其願瞻中  
宇一朝分崩天網既紊浮鯁橫騰運首北眷邈我華  
恒雖欲凌翥矯翻靡登俯懼潛機仰慮飛曾惟其嶮  
哀難卒備曾庶晞河清混焉未澄其自我徂遷周之  
陽月亂離方熉憂虞匪歇四極雖遙息駕靡脫顛言  
奔衡庶幾契陶虽云闇投圭璋特達綿駒之變何有

胡越子固高楚我伊羅葛無貴香明終自漑渴未若  
遺榮罔情丘壑道遊永年抽簪收髮其三

典王使君一首

東晉郭璞

道有虧盈運亦凌替茫々百六孰知其弊蠢々中華

選此虜戾遺黎其咨天末忘惠云誰之眷在我命代

其一穆々皇帝固靈所授英々將軍惟哲之秀乃協神

馥如蘭真化揚東夏勲格宇宙豈伊來蘓莫知其

覆其二懷遠以文濟難以昭光贊岳漠折衝惟慎凋華

振彩墜景增灼穆其位凡休声有邈方恢神邑天衢

再廓其三遭蒙之若在我幽人絕志雲肆如彼涔鱗靈

蔭椽垂躍我龍津翹情明規懷徂鑒神虽賴暫盼永



愧其塵其靡竭匪後靡頽匪隆持貴以降挹滿以冲  
邁位遺功於盛思終顏林之藹樂岱之崇永觀玉振  
長賴英風

答王門子一首

東晉郭璞

芊芊玉英濟美瓊林靡々王生寔邁俊心藻豔三秀  
響諧詔音映彩春蘭擢縈秋岑其我雖同薄及尔異  
穎翹不冠叢榮不熙町因夷杖平藉澄任靜思樂逸  
鶯翻飛雲領其疇昔之乖永言莫見之子于罹再離  
淪湮苔不凋翠柯不易舊染霜滋芬在陶弥練其詩  
亦有言兄弟無遠矧我暨尔姻媾繾綣猗人其來青  
陽載婉言歸于好如彼琴管其皇極委夷運有經綸



聊以傲詠不榮不遜敢希寤放庶幾無悶匪薰匪猷  
安知藜藿五其遺物任性兀然自縱倚榮彫藹寓音雅  
弄匪涉魏闕匪滯陋巷永賴不才逍遙無用六其

贈溫嶠一首

東晉郭璞

蘭薄有菑玉泉產玫瑰一含夙灼二猗人如金之暎  
如瓊之津擢翹秋陽凌波暴鱗一其擢翹伊何妙靈竒  
挺暴鱗伊何披彩邁景清規外標朗鑒內景思樂雲  
藹言採其穎二其人亦有言松竹有林及余臭味異苔  
同岑義結在昔分涉于今我懷惟永載詠載吟三其子  
策騏駿我案駘轡進不要聲退不傲位遺心隱顯得  
意榮悴尚想李巖逍遙柱肆四其言以忘得交以淡成

同匪伊和惟我與生介神余掣我懷子情攜手一壺

安知塵冥其五

贈温嶠一首

東晉梅陶

巍々有晉道隆虞唐元宗中興明祖重光我帝萊基

聖后作皇生而神明誕質珪璋有亂同符恢我王綏

其一名衡增燿元輔重輝泉哉若人亦顏之徽知文之

宗研理之機入銓帝評出綰王維其二帝曰尔祖往鎮

江土卑尔旄麾授尔齊斧昔周之宣有熊有武在漢

五棊營平作武推轂委誠惟余典汝其三俯僂勤時非

遑晏豫星陳宿駕立旌首路輕舟龍驤武旅雲布我

戀惟愛尔勤王度遲々之感監寢宵悟其四人亦有言



德輜如毛重非千鈞人歎剋效武有七政文敷五教  
義在止戈威崇戢暴勛尔遠猷邁尔英劬其

贈庾翼一首

東晉王胡之

儀鳳厲天騰龍陵雲昂々猗人逸足絕羣温風既暢

玉潤蘭芬如彼春零流津烟煜其鄧林伊何蔚々其

映流芳伊何鑿猶水鏡通廣外潤雅裁內正降已順

時志存急病其戎馬生郊王路未夷螳螂斧鯨鯢

軒蹙矯々吾子劬勞王師單醴投川飲者如歸崑嶺

載崇太陽增輝其江海能大上善居下侯王得尊心

同觸宣廢我處冲虛懷無假待來制噐如彼鑪冶天

下何事去其害馬其友以淡合理隨道泰余与夫子



自然真會整面豁懷傾枕解帶玉液相潤瓊林增蕩  
心齊飛沉相望事外辟諸龍魚陵雲潛瀨其五稷契贊  
時巢由允矯輔漢者房道跡者皓妙善自同外內臣  
道子光齊魯余守嚴老其六元直言歸武侯解鞅子魚  
司契幼安獨往神齊玄一形寄為兩苟體理分動寂  
忘象仰味高風載詠載想其七迴駕蓬廬獨遊偶影陵  
風行歌肆目崇嶺高丘隱天長湖方頃可以垂綸可  
以嘯咏取諸匈懷寄之匪郢

荅謝安一首

東晉王胡之

荆山天峙辟立万丈蘭薄暉崖瓊林激響括人秀攀  
和辟夜朗凌霄矯翰希風清往其一矯翰伊何羽儀鮮

潔清往伊何自然挺徹易達外暢聰鑒內察思樂寒

松披篠暎雪其二朱火炎上淥水赴泉風以氣積水由

霜堅妙感無假率應自然我雖異韻及尔同玄如彼

竹栢厲飈俱鮮其三利交甘絕仰違玄指君子淡親湛

若澄水余与吾生相忘隱机泰不期顯在悴通否其四

人間誠難通由達識才照經綸能泯同異鈍神幽疾

宜處無事遇物以器各自得意長短任真乃合其至

其五疇昔宴遊繾綣鬢亂或方童顏或始角巾騫褐攬

帔濯素若其六壑無深流丘無蹠仞今也華髮卑高殊

韻形跡外乖理暢內潤其七巢由坦步稷契王佐太公

竒拔首陽空餓各乘其道兩無貳過顛弘玄契廢疾



高卧其来贈載婉妙有新唱博以兼濟約以理當非

不悅子駑驥殊量鳥養之任其沉颺取諸曾懷寄

想郢匠其

贈温嶠一首

東晉孫綽

大樸無像鑽之者鮮玄風雖存微言靡演邈矣括人

測深鈎緬誰謂道遠得之無遠其既綜幽紀亦理俗

羅神濯無浪形渾俗波頰非我朗貴在光和振翰梧

標翻飛丹霞其爰在冲亂質嶷韻令長崇簡易業大

德盛体与榮辞迹与化競經緯天維翼亮皇政其狡

哉不臣拒順称兵矯君侯杖鉞斯征鯨鯢懸鯁靈

許載清淨能弘道動其功成其則無則慕有必



仰蔭風雲自同蘭夷辭以運情之詣名遺忘其言往

鑒諸盲歸

其五

典庾冰一首

東晉孫綽

浩浩元化五運迭送昏明相錯否泰時用數鍾大過

軋象摧棟惠懷凌搆神鑿不控其二其役之不逮痛矣悲

夫蠻夷交迹封豕充衢芒々華夏鞠為戎墟哀兼忝

離痛過茹荼其二天未忘晉乃眷東顧中宗奉時龍飛

廓祚河洛雖埋淮海獲念業々億地相望道著其三天

步艱難蹇運方資凶羯稽誅外憂未夷矧乃蕭墻仍

生梟鷁逞兵累邁三纏紫微其四遠惟自天抑亦由人

道苟無虧豐故曷曰遑々遺黎死痛生勤撫其五運懷

天地不仁

五其

丞哉我皇哲薨自然遠

□

隆替思懷普

天明發詢求德音遐宣臨政存化昭親尊賢

六其

親賢

孰在寔賴伯錫卓矣都鄉光此舉首苟云至公身非

已有將敷徽猷仰讚聖后

七其

義存急病星駕路次穆

尔平心不休不悴險無矜容商無凌氣形典務動志

恬道味

八其

余与夫子分以情照如彼清風應此朗嘯

契定一面遂隆雅好弛張雖殊宮商同調

九其

無湖之

寓家子之館武昌之遊繾綣夕旦邂逅不已同集海

畔宅仁懷舊用忘倚歎

十其

晏安難常理有會乖之子

之性惆悵伛偻子冲赤霄我戢蓬黎啓興岐路慨矣

增懷

十一其

我聞為政寬猛相革體非太上疇能全德鑒



彼韋弦慎尔准墨人望在兹可不允塞其古又重離  
必有贈遷千金之遺孰与片言勵矣庾生勉蹈前賢  
何以将行取諸斯篇其

答許詢一首

東晉孫綽

仰觀大造俯覽時物機過患生吉凶相拂智以利昏  
識由情屈野有寒枯朝有炎鬱失則震驚得必充詘  
一其我々高門鬼闕其庭弈々華輪路險則傾前輶摧  
軸後鸞振鈴將隊競奔誨在臨頸達人悟始外身遺  
榮二其遺榮々在外身々全卓哉先師脩德就閑散以  
玄風滌以清川或步崇基或恬蒙園道足匈懷神栖  
浩然三其咨余冲人稟此散質器不韜俗才不魚出罟



衽告誠敢謝。桓質冥運超感。邁我玄逸。宅心遼廓。咀  
嚼妙一。其四孔父有言。後生可畏。灼灼許子。挺竒拔萃。  
方玉比瑩。擬蘭等蔚。寄懷大匠。仰希遐致。將隆千仞。  
豈限一匱。其五自我提携。倏忽四周。契合一源。好結回  
流。泳必齊味。翔必俱遊。權與時積。遂隆綢繆。一日不  
見。情兼三秋。其六矧乃路遐。致茲乖違。介託西隅。我滯  
斯畿。寤寐委卷。寒風夜激。皓雪晨霏。隱机  
獨詠。賞音者誰。其七貽我新詩。韻靈旨清。粲如揮錦。琅  
若叩瓊。既欣夢解。獨愧未寔。愠在有身。樂在忘生。余  
則異矣。無往不平。理苟皆是。何累於情。其八戒以古人  
邈彼巢皓。千載絕塵。山栖嘉遯。亦有負薪。量力守約。

敢希先人且戢讜言永以書紳

其九

贈謝安一首

東晉孫綽

緬哉冥古邈矣上皇夷明太素結紐靈網不有其一  
二理曷彰幽源散流玄風吐芳扇則歇流引則遠  
朴以彫殘實由英前捷徑交軼荒塗莫踐超哉沖悟  
乘雲獨反青松負雪白玉經飈鮮藻弥映素質逾昭  
凝神內湛未醜一澆遂從雅好高跼九霄洋洋浚泌  
藹々丘園庭無亂轍室有清絃足不越疆談不離玄  
心憑浮雲氣杳皓然仰詠道誨俯膺俗教天生而靜  
物誘則臻全由抱朴灾生發竅成歸前識孰能默覺  
曖々幽人葳器掩曜涉易知損拙老測妙交存風流



好因維縶自我不遘寒暑三襲漢文延賈知其弗及  
戴生之黃不覺長捐与尔造玄迹未偕入鳴翼既舒  
能不鶴立整翰望風庶同遥集

典王胡之一首

東晉謝安

鮮冰玉凝遇陽則消素雪珠廉潔不崇朝膏以朗煎  
蘭由芳凋哲人悟之和任不標外不寄微內潤瓊瑤  
如彼潛鴻拂羽雪霄其一內潤伊何亶々仁通拂羽伊  
何高栖梧桐頡頏應木婉轉虵龍我雖異跡及尔齊  
衆思樂神崖悟言機峰其二繡雲綺構丹霞增輝濛汜  
仰映扶桑散蕤吾賢領雋邁俗鳳飛含章秀起坦步  
遠遺其三余典仁友不塗不苟默匪巖穴語無滯事櫟



不辭社周不駭吏紛動蹠翳領之在識會感者圓妙  
 得者意我鑒其同物覩其異其往化轉落運萃勾芒  
 仁風虛降與時抑揚蘭極湛露竹帶素霜縈點朱的  
 薰流清芳觸地儻雩遇流濠梁投綸同詠褰褐俱翔  
 其朝樂朗日嘯歌丘林夕翫望舒入室鳴琴五絃清  
 激南風披襟醇醪淬慮微言洗心幽暢者誰在我賞

音其  
 六

荅傅郎一首

東晉郝超

森々羣像妙歸玄同原始無滯孰云質通悟之斯朗  
 執焉則封噐乖吹万理貫一空其昔在撻角有懷大  
 方雖乏超詣性不比常竒趣感心虛飈流芳始自踐

跡遂登慧場其二跡以化形慧以通神時欵運欵邁茲

泉人澄源領本啓此歸津投契凱入揮刃擢新發悟

雖迹反觀已陳其三暖々末業運鍾交喪綿々虛宗千

載靡暢誰能慙中仰諧冥匠并轡一方明心絕向嘒

明向若易潛行諒深時惟同得婉轉嘿尋望開啓扉

披帷解衿情興未足祈我冲歲其五冲歲之往豈伊璠

璵通無不暢兮靡不劬何以融之本際已无即心既

盡觸扶自虛其六

贈傅長猷傳時為太尉主簿入為都官郎一首

東晉羊徽

赫々宰朝匪虬伊鸞微々殆足策駕末班靡獲于心



有虔惟官肅幽々禁孔邃且難其一孰寄斯誠寔惟舊

要自昔偕遊聿來並朝雖或戎阻雖實氛蹶我有闲

暇典尔清謠其二物化交尋聚散飏薄有羨三人翻飛

雲閣離軼迎今嬾從謝昨雖則匪遐言覲弥索其三秋

鴻泝節商風厲時肅彼具物叩此幽司違好獨羈悵

其悽而言念斯盈告勞惟詩其四

谷丘泉之一首

理矚有待事過無期自昔願言寢興伊思爰邁懷又

載欽在茲賞得意從無闕惟時其一王路威夷戎役孔

勤昔從經略方難之殷悠々岱陰滔々江濱綢繆成

說典子夷屯其二江之泳矣載瀾載清俛冑時暇解顏



舒誠理既睦本事亦敦情永言契闊寔深平生其自  
茲乖互屬有逝止余實無良沉痾弥祀孰是懷之則  
惟吾子豈微王事驟駕無已其疲殆既謝惠澤是逢  
顯列斯偕厥司攸同疇昔之歡於焉克後託曜春藻  
慰此秋蓬其雖則克從邇來有乖衡泌之娛休沐未  
偕冬日烈々飄風淒々對影華署如何勿懷其懷亦  
勤止戢此餘蘭惠以好言深試在翰敢忘三折敬思  
五難君子攸贈復之歲寒其隕

文館詞林卷第一百五十八

文館詞



卷第一百五十七







文館詞林卷第一百五十八

中書令太子賓客監修國史弘文館學士上柱國高陽郡開國公臣許敬宗等奉

勅撰

上阙

浪赴沂英華始翫落葉已稀惆悵衡臯心為有違其一

告離甫尔荏苒舟迴周懷風感遷思我良疇豈其無人

莫与好仇孰日晏安神往形留其二感昔戎行遠暨西

垠僂俛于役不敢告勤尔亦同事契濶江濱庶同支

離攘臂解紛其三鳴鶴在陰自幽必顯既日有声因風

易演逶迤雲閣司帝之典蔚彼遺藉如瑩如洗其四齊

仲善交在久，弥敬自我之。邁一遇而定，於穆謝生以  
和。繕性有言，屬耳有文。在詠其寘弱多幸，逢茲道泰。  
荷榮西荒，晏然解帶。翦削前識，任此天籟。人既遇矣，  
何懼何害。其搔首北眷，清對未從。瞻雲累歎，思□御  
風。良願易違，嘉樂難逢。微我無衣，溫涼誰同。其古人  
善身實畏，斯名緣督。何貴卷耀，藏馨九言之贈。實由  
未冥片音，或重玷璠可輕。其

贈記室羊徽其屬疾在外一首

宋丘泉之

趣以冥感，契以情運。譬彼金蘭，堅芳牙訓。郢夫寢介  
濠津，闕問孰是。超賞非尔，殆蘊其婉晚。閑暑契閑，一  
方連鑣。翔野齊掉，江湘冬均。其溫夏共，其涼豈伊多。



露情深踐霜

其二

神武遐滌大衢方揮屠豕晏業尔焉

靡違閑苑敞征鷗弦湛徽欣彼二仲与子俱歸

其三願

言無必欣慨屢造尔疾既纓余憂用老搔首匪勤寔

經中抱言念佳人祇增心攬

其四

天道雖緬福善可期

今唯吾子允應在茲乘理載遂冲衿自怡三折既履

五德宜思

其五

予業弗高屢羈塵役勉彼儉勤忝此墳

籍識以榮期顏以厚積庶憑納汙仁規三益

其六

敬贈蕭諮議一首

南齊虞羲

璇源派水玉樹分柯投殷子宗佐漢而鄴九筭攸叙

一畫載誥象賢弈葉衮服逶迤

其七

自茲以降朝端國

右鳴玉在腰納言加首有鍾有石無凋無朽令問令



望如瓊如玖二其相門出相德門有德弱冠登朝三其問  
玄塞弱冠伊何有典有則四其淵問伊何自南自北五其  
芝秀草八桂嘉樹五馬駢塗八龍遊霧彼令兄弟方  
之有裕並列大夫登高而賦四其受言載筆遂典羣流  
天祿不校白獸未雠申轅風雅邳邾春秋彛文不斲  
臧此之由五其帝念師旅詔參帷幙對曰戎車未之先  
學歸陳俎豆拂衣行樂容止可觀卷舒可度六其千乘  
之后好道載閤閑府之日有弓有輿久勤引領獨下  
辟書鳴茄啓路託乘後車七其枚叟上書吳王弗納夫  
君正諫直道難合有伐問仁陽狂不谷乃蒙矢刃永  
離嚶啞八其退食自公多歷年所思歸養素豫聞斯語

終日下帷情非待舉如蘧如惠此出此處其吾人下  
走國士見知同遊宛洛並泛漣漪輕蘿易動遂別芳  
枝蹈之不足託此差池其

贈何錄事諲之一首

南齊虞羲

歷々斗維王畿所止滔滔瀟漢天步之紀金耀圓圖  
玉澈方沆蓋靈擢秀載萬君子其於穆君子左角佩  
觴從羣竹騎取雋遊兕昂々千里宛々長離同規同  
矩異雄守雌其早弃幼志夙耽強學唯道是脩何土  
不樂將英竹箭聊遊稽岳容止可觀進退可度其有  
德有行如珪如璋樂山樂水令問令望辭家觀國為  
龍為光唯兄唯弟元方季方其漢北張生洛陽賈子



秩宗是佐淵問不已僉曰允諧肅恭帝祉於斯為盛

齊稱得士五其中槐如宿上閣如雲握蘭正典執筆司

文方瑜等潤比桂爭芬能照時宰績著人君六其帝子

南牧孔殷是撫白水悠悠青原廡責之束帛不日

來取如馬如枚長裾上府七其咨余下走中田穫蒔迺

裹糗糧遂去鄉塾既日觀止朝遊夕宿如佩萱蘭久

知芬馥八其共化之選古謂惟良能柔下邑必惠上邦

大君有命朱襮繡裳方同汲子重卧淮陽九其嘉命顯

承方駕蘭汜如彼飛鴻搏風千里極目亭臯勞心無

已蘓歆有慰逖聽傾耳十其

贈逸人一首  
梁武帝



任重悠々生涯浩浩善難拔茅惡易蔓草逞思藥石

懇求非道珠豈朝珎璧寧國寶想賢若焚憂人如擣

一其我聞在昔有古天子虞華駢聖周昌多士緝熙朝

野體邦經始二其惟河出圖唯岳降神是代皆有何代

無人懷寶迷邦高尚隱淪價待哲后見須明君伊予

不聰故闕斯聞三其目因見生才為時育何為山阿何

為空谷聲殊確雉響異吻鹿豈須託夢寧俟延卜想

象屠釣踟厨板築四其仁者博愛大士兼撫慈均春陽

澤若時雨心忘分別情無去取等皆長養同加嫗煦

譬流趨海如子歸父五其願探懷抱非為富貴代既同

人時亦皆醉六合岳崩九州海沸事須經綸屬當連

師投袂劍起澄清涇渭六其念我拙遲安步任心夏興  
石泉春遊香林勸踰絲竹樂過瑟琴無耗無難誰訶  
誰禁百非不起万累俱沉七其思懷友朋遠至歡適躬  
開二敬徑延三益繾綣故舊綢繆宿昔善言無違相  
視莫逆情如斷金義若投石八其仲節猶嫩春色始嬌  
湛露未晞輕雲已消綠竹猗猗紅桃夭夭香氣四起  
英蘩六搖蜂閑採花雀戲新條九其風光綠野日照青  
丘鴉鳥初飛新泉始流乘輿攜手連步同遊採芳中  
阿折華道周任情止息隨意去留十其如壟生木有  
異心如林鳴鳥有殊音如江游魚有浮沉巖有  
山高湛々水深事跡易見理相難尋十一其晨朝已失棗



榆復過漏有去箭流無還波切念不減疑慮益多季  
俗易驕危心少和我之憂矣用是作歌

其十二

和贈逸人應詔一首

梁簡文帝

紫微垂象常居為政司牧則之以膺天命明我皇  
乃神乃聖功韜玉檢道光金鏡爰昔在田君德夙盛

其過矣西土惟天有漢姬實剪商劉亦撥亂赫然浮

夏同符共貫軋迴龍動雲蒸冰渙一戎定齊二儀貞

觀其軒衣禹食以服以膳舜漆堯厨匪耽匪盼黃畏

上天丕顯無勗百神効職羣祀歲遍瑞草晨開德星

昏見其鏗鏘六樂昭彰七藝白獸談經石渠稱制齊

稷罷疑魯洙忘滯南風慶雲禹謩湯誓不有今弘安



知昔細四其穀稼斯重珠玉為輕我畷既樂我億已盈  
貢田靡撤譏關不征四久遷賀百貨社行樓船舉帆  
賣藥藏名五其方赫率止軍幕洞開如狼如獸如霆如  
雷呼韓北款樓蘭南摧威加四海武讐九垓有苗已  
格徐方不六其愍茲五濁矜此四流既開慧海廣列  
擅舟金輪瑤印丹枕白牛率土祛惑含生離憂大羅  
網息作士刑休七其三兆驗佃百工寫質既盛商年且  
高周日嘉謀沃心王道入密聖猷獨照運茲得二君  
唱臣從無違何弼八其負壺井谷擊壤衢中猶紆帝念  
哥詠自哀思諸舉逸羨彼溥風國獻選士鄉薦教忠  
論才司馬試射郊宮九其准測天度鍾應星璣風除摠

至草復具腓水輕寒盡泉長春歸射干先動載滕行

飛千門照日五達含暉其伊臣不佞叨備元子傳訛

竝頌司教詩史朱綬傍垂安車高跼膳則不會宴則

以齒澤優礼博兢懼何已其聖親明主千載一逢子

法臣道竭誠思恭周記希習齊歲願從雖加砒礪願

揆愚蠢匪躬斯鑒孰肯為容其

贈沈録事江水曹二大使東陽郡時

梁沈約

伊我洪族源濬流長弈々清濟代有蘭芳允茲二秀

挺幹朝陽于被原隄徽命是將其受言帝庭觀風上

牧逸翰雙舉為腓為服遍軌甌吳縈滄海陸岌々貂

冕麟々華轂其帝格文祖握瑞持衡慶踰高邑北屬

大橫王道無外軌路昭亨近臣展事上亦倅行其微  
下國川紆路阻藹々王人匪遑寧處巡儀既暢私  
宴亦叙置酒式歌披衿寤語其式途在日復路迴舟  
霜結暮草風卷寒流情勞東眷望泣西浮崇君遠業  
敬介芳猷其五

贈劉南郡季連

東陽郡時

梁沈約

鴻漢景德盛楚連徽灼々中壘入奧知微殊源別派  
復屬清輝伊我蘭執升堂啓扉其宴遊忽永心期靡  
悔代厯四朝年踰十載用居繾綣余違介誨豈獨秋  
蘭結言為珮其事有離會心未江湖昔分湘濟今別  
荆吳安得理翰同飛故都情勞伊介念切紛吾其追



念生平歡友非一諷孛斯五披林者七方駕清衢置

酒蘭室離役代有興言涕溢其山邦務寡陝輔任隆

才否雖異勞逸不同幽巖何有丹桂為叢結枝以贈

寄之飛鴻其峩令藩騰芳戚右緝茲江漢寔寄僚

首在德易充為名難朽願言可獲歲暮攜手其

贈任昉一首梁到洽

獸生文蔚鳳亦五色絢彩火然豈由畫飾猗欵若人

不扶自直數仞難闕万頃誰測其四教必脩九德斯

備往行前言多識夙匱一見口傳暫聞心記生知之

敏昔滄今至其藝不兼遊擇其從善苞羅載藉絕妙

蟲篆演綜名實憲章朝典不體良才孰營心辯其在

昔未遘廼睠伊人余未倒屣先枉清塵願慙菲薄徒  
招好仁傾蓋已舊久敬弥親其范張交好升堂拜母  
亦蒙吾賢此眷之厚恩猶弟兄義實朋友豈云德招  
信茲善誘其欣遇以來四載斯日運謝如流時為歲  
聿月次既窮星迴已畢玄象晝昏明庶曉疾其妍拙  
不齊方負各取子登王朝為代規矩余拙一丘卧病  
靜處同盡性分殊塗嘿語其得於神遇相忘道術若  
水之淡乃同膠漆豈寄响濡方申稠密在心為志非

詩奚述

其

答祕書丞張率一首

梁到洽

東南季子上國賈生會稽竹箭嶧陽孤莖物產因地

品賦斯征孰若兼美羽儀上京其一上京羽儀十紀鴻

漸竹待羽枯木資剡剡皎々素絲涅而不染晨雞靡

暄徑寸誰揜其二豫樟之生誰能先識山衡野虞偶知

所植百尺無枝何枉斯直青冥聳翰丹霄拂翼其三介

日聞聲余祇傾盖事以年殊理因義會我好春蘭子

歡秋艾蘭艾既辯春秋交害其四在昔壯年嘗恠長老

殷勤好少忘年愛寶於今念茲苟求懷抱綺孺素褐

何傷交道其五前有元幹置左置右後有弘度流兮四

部爰在伊人蔚為舉首余掌司直有謬蘭莠其六余既

遲暮傷茲歲聿迫以賤事且嬰老疾子有俦年方賒

來日雖無事烏寧忘蓬葦其七寤言安適懷人在斯九



重窈窕長安莫窺既迅千里玉策金羈且息望羨自  
事衰疲其

重贈臨蒸郭某一首

梁吳均

英々者桂結景嵩華潤以碧沿縈以紫霞蓋蓋其氣  
暎映其華終朝願止載挹載嗟英々者桂亦好其音  
爰彫爰剖為此瑟瑟綴以青玉鏤以白金終朝願止  
悠々我心蔽第小草亦呈其節華不堪獻條不堪結  
變彼芳輝憐伶此冥滅終朝願止心烏如咽

贈徐郎一首

梁費昶

漢水如雞嶠山抵鵲維皇多士譬茲珠璞皎々名駒  
昂々野鶴思癸泉涌紙飛雲落射策除郎明經拜爵

家盈輦悅人有丹腹車載斗量束之高閣其並海之

斥奔棊才雄北隣稷下南接淹中禮無變俗樂有正

風輿人善誦君子固窮坐腰青紫俯拾三公其曰子

大夫有聲有度山東隼立關西獨步奮翻高雲揚鑣

遠路王侯十辟英傑三顧貞若斷山心如武庫其昔

聞舊矣寤寐詠哥我刺未書君驟肯過愛而不見獨

抱縈波晨瞻洛汭夕望江沱方年已壯乃遇蕭何其

何用好仁從遊則變何用祛鄙萬頃斯見子亦絕倫

爭驅前彥斧藻其德雕龍其絢其殷勤膠漆留連琴

酒居徒壁立嫗亦廉醜紡績江南躬耕谷口庭中三

徑門前五柳子若彈冠余當結綬其

六

幽憂思

仰贈特進陽休之一首

并序

隨盧思道

夫士之在俗所以騰聲邁實爵為時宗者厥塗有三  
焉才也位也年也才則弘道立言師範雅俗位則乘  
軒服冕變代天工年則貳膳杖朝致養膠序緬尋古  
始永鑒前指齒歷身名鮮能俱泰特進陽公兼而有  
之矣大齊武平之五載抗表懸車難進之風首振顏  
俗余不勝嘉仰敬贈是詩

幽求遂古逖聽前聞鴻荒眇邈篆策緗緼體國經野  
為鳥為雲果行毓德或武或文其一於鑠君子含章挺  
秀龍翰鳳翼玉榮松茂逸韻孤峙竒峯迴構慕舜匪  
高希顏可陋其二藝彈文府學究書林盡則窮厖索隱



鈎深靈珠耀手明鏡懸心聲偃華裔道冠衣簪其豹

變其文鴻漸於陸入作卿士出為嶽牧千社萬鍾玄

冕丹轂神之聽之介以景福其漢稱廣德晉美劇陽

君亦高蹈二此鴻芳知足知止令問令望功遂身退

休有烈光其五聞風伯夷懦夫自立祖道踈傳行人賈

泣公之戾止僚友肯集瞻彼高山每懷靡及其六余實

膚陋少不及門挾策問道捧筵承恩以茲高義被於

後昆式歌且舞敢贈長言其七

文館詞林卷第一百五十八



文館詞林卷第三百四十七

中書令太子賓客監修國史弘文館學士上柱國高陽郡開國公臣許敬宗等奉

勅撰

上

杭紫津濟小浚厯高關出雞鹿峙天街絕地垠掩薄

比題□彼姑溷騁六師於長莽縱四技於中原卒釐

王庭夷部落刈尸逐頓禺犢刊句林剝慮庶弥無遺

育穢類滅族裘毳之倫肉噍之黨莫不沮膽交辟虜

屬乃俘其王侯羣孥略其牛羊鹵獲降之溢辜藪升

之覆山阜蒸氣生雲霓塵埃冒千里鼓鐸震西鄰詬



諫盪北海自三五攸降征討之師未之有也南仲吉甫猶翼也翱翔不過宸宇遠徂朔方近歸自鄩而詩人歎羨猶載乎經雅一切收功無優容之風餘糧闔壑餓俘弗矜孰我將軍懿略參無外拓跡汎海表愷悌函甘棠神武凌尚甫云尔哉其施仁樹惠也班寶賂散玕餽流甘膳同織服恤劬勞愆疾勤撫其士与之乎消息豈徒歌嶇隅隙之間苟自逸如此而已乎故能夫得其死人忘其勞懦者生剴散士爭驍銳氣先鋒臨敵競號鬼雄雷薄倏忽神擊猶中虛發舍矢必齧於是嚴敵已盡士宛餘怒甲無解札之遺矢無亡鏃之耗然後窮覽遐冥廓天外掃地清野寂

無餘裔勞不過一時而垂祚數百歲斯非上智立鑒  
獨見之絕跡欤既乃周流□□逍遙鄧林扞天柩以  
瞰不周勒功燕然飲馬安侯邈瀚海卑居骨而後旋  
師長驅振旅凱諫馬府獻功載勲祖廟飲御加饗策  
勞受祚申九錫授五瑞賞戎捷浹士隸人事允得克  
當靈和其舉時其功尤故能降天祥發地祉神人致  
祐永無已

重曰跨翔土而遐征兮討不庭之猾虜飛鋒旗以先  
驅子握武技以忒野炎興赫而剴標驍騎忽以飈掃  
烏蹄候其機發兮白羽燭而霆曜鋒矢濛而雨集子  
鉦鼓鏗以雷擊三軍奔以縱節子羣虜□而丹地王

庭滅子邑落虛羸弱獲子酋仇誅匈奴夷殛子清北區  
命元帥子昨太師班王賦子建天威假祿廟子考守  
龜祀金庫子祈蚩尤樹銘鼓子獷威弧焚獫狁子爰  
方徂建元戎子錫命服朱紱赫子路輿赫寢光豹子  
羈玄較參耜黃子惣駿駁采物爛子文章暉捷彪戈  
子叢重弓雙麾祭子旌旄幢

應上略子侵玄罔稽靈繹子應神符虔鉞旗子飾戎  
輿飛四介子楊鸞鏢班威神子勒武夫奮貌旅子滌  
邦區  
起天關子橫漢津竭西嶽子徂北垠踰句注子厲樓  
煩濟雲中子息九原度紫彊子翔翔區越沙漠子臻



海隅

人事協子皇恩得金精揚子水靈伏順天機子把刑  
德戈所指子因不剋夷甲首子匈奴服斬温禺子刈  
尸逐殛天賊子盪北極得干戈子討三國真庶事子  
□不服祖忠孝子播德音假皇天子簡帝心爰比題  
子獲鼎寶惟仲山子興周道同符應子襲規矩休徵  
効子神所表

師騁志子元功剋封名嶽子表銘勒班馬旅子還京  
室獻戎捷子舉軍實偃干戈子放旗鼓策洪伐子薦  
祢祖懷皇歡子享嘉祐賚珪瓚子侔名武

伐蜀頌一首

東晉曹毗

三五代外冥數迭筭黃位既革素靈疊祭宣皇基之  
 天經重煥妙化洞舒徂風玄散其妙化伊何惠無不  
 柔厥潤伊何雨灑風流跡摸唐虞軌出殷周形委代  
 謝心与冥遊二其我皇繼祚克明克聖離暉洞照朗然  
 高鏡道適乎會物暢其性悠然不期冥諧同詠三其神  
 教既融妙祥亦標儀鳳晨吟朗星登霄蔚彼嘉禾穎  
 連雙苗湛矣玉露灑津葩條四其宰弼伊哲百察允明  
 堂蔚琳琅朝列髦英人思盡規職思齊誠大化雨施  
 洪潤雲行五其皇家之屏唯才曰慎赫々藩衛落々雄  
 鎮將平氛蕩灑穢沉潤漏網斯捕未賓伊振六其蠢矣  
 嶠蜀敢竄邊外凶忒繼軌蟻聚蜂會恃遠縱虐怙嶮

自泰巖干紫霞泉吐万瀨其我皇聖仁愍彼殊裔黎

元何辜辛酸顛斃爰謀卿士啓茲嘉契乃命南藩奮

旗電逝其桓八南藩朗八竒筭介如石烏金華秋斷

杖鉞宣威率義討叛鉦鼓暫振逆節焱散其人無殊

侵軍不加戎百姓若舊茂勲玄隆位之所逮無往不

克遐迹載歌震威懷風其方邵翼宣詩人斯羨今在

聖朝一規一揆往迹緬哉於今齊軌將平凶羯鳴鳶

北指其微八小臣遇蒙朝恩再染文筆彈管儒門表

善明黜乃懷所存敢揚聖猷垂之後昆其

北伐頌一首命後魏高允

皇矣上天降鑒惟莅眷命有伐照臨万國礼化丕融



王猷允塞靜亂以威穆人以則北虜稽顙稟政在藩  
往因時故逃命北轅代襲凶軌背忠食言招亡聚盜  
醜類寔繁敢率犬羊罔縱猖獗皇乃訓師興戈北伐  
躍馬裹糧星馳電發撲討虔劉肆陳斧鉞々々暫陳  
馘翦其旅積骸填谷流血成浦元凶孤奔假息窮野  
爪牙既摧腹心亦沮周之忠厚存及行葦翼々聖明  
有無斯美釋彼京觀垂此仁旨封尸野獲惠加生死  
々々蒙惠人欣覆育理貫幽冥澤漸殊域物歸其誠  
神獻其福遐迩斯懷無思不服古稱善兵歷時始捷  
今也用師辰不及浹六軍剋龕萬邦以協義著春秋  
功銘玉牒載興載頌播之來葉

文館詞林卷第三百卅七

允恭靜能以成德人必以此爲法  
因時故也命北歸山軌背忘食言格二致  
願定繁收率犬羊歸於羅罟乃誠師與文共  
雖馬表報星馳電發捷到皮劉輝傑會敵  
誠前其旅積勳填谷沃益成浦元凶孤奔假  
爪牙既摧腹心亦沮周之忠厚存交行董  
有無斯長釋彼京觀垂其仁旨封尸野推  
外家惠人欣覆育理貫幽冥澤漸殊域物  
受諭臨林卷第三百冊子不服右稱善兵  
今用師辰不及決六軍剋龜方邦以協  
功銘玉旆戴興戴頌播之來業



文館詞林卷第四百五十一 碑卅二

百廿二

中書太子賓客監祿國史文館學士上柱國高陽郡開國侯許敬宗等奉勅撰

將軍二

北齊魏收征南將軍和安碑銘一首 并序

隨薛道衡後周大將軍楊紹碑銘首 并序

大將軍趙芬碑銘一首 并序

薛收驃騎將軍王懷文碑銘一首 并序

將軍二

征南將軍和安碑銘一首 并序 北齊魏收

聞夫抗玄穹之雄綴黃陸之紐

鳴天鼓而號衆舉地絡以籠物

蕩滌權輿埴理草昧莫賢居腹

心之切雄毅當爪牙之重近則

柔梓魁傑爪葛豪俊蕭曹樊夏

佩璽而効節吳鄧來祭荷策以  
徇名遠有張陳酈灌馬竇寇耿  
雲歸風往棊從杖附經綸乃方  
折衝九服往者晉造永嘉中原  
瓦散分崩七紀膠加五胡於是  
魏乘其弊奄秬區宇泚汰神州  
羅絡荒極中謀外禦比肩受事



燕許崔張決其策孫干奚庚  
制其兵於時尚書令定陵公和  
公經武緯文鷹肅鸚跣軒輕  
由其先後輕重隨其去就淡  
心注意朝野宗之方憚公輔  
之尊歸以將相之首朝廷政  
事咸所諮決調高遂以驚衆

震主於是身危既而綿地長  
封良金且鑄表靈異於名山鬱  
光明於祠典即公之高祖父也  
公諱安字某沅源共玄濤比深  
層搆与白山俱傑雄颺代方聲  
架河右水運統紀家寶疏附  
帝邑屢徙我不常居今為清

都臨漳人也曾祖父鎮都大將  
祖燕州刺史俱蘊深沉之氣  
威負磊落之節正途先踐直  
磨不迴位不充量志行迹屈  
乘此心也矯然千載考觚撈  
崇竦異趣流俗遺時離衆望  
迹人遊願有親同五賢位先



九牧祗待如神辟書先降終使  
重席佩几罕見伊人懸榻奪  
版竟無此客公感降星精禎  
標月畧家門神筭之徵鬪宅  
貴甥之相言咲之始神情絕  
人翦剝之初風望駭俗粗教方  
日略擿章句方言朝誦五行併

覽口折墜白似弗能談心定朱  
紫莫知其察履繩踐墨率禮  
弘教行彈孝敬事窮仁厚物  
仰庭訊時無間言持刻斯之  
緒居執珪之冑惟祿惟功公  
卿有業立言立德師佐攸侯  
猶夫靈岷種玉永漢藏金用

超海內之寶動擅天下之價魏  
孝明時起家奉朝請荆揚述  
醜內爨譙梁公為別將平南府  
長史受命即戎忘身致檠亦  
時散地征旅潛亡公仁以為任信  
而開物逃竄歸命多全要領  
退除襄威將軍負外散騎侍



郎魏北海王元顥烏集江陰進  
熟逋偽假錯面之穢資文身  
之醜窮寇深入臺輿外巡公陪  
從艱難魚陳方略天柱大將軍  
介朱榮入衛行宮咸見嘉賞  
授明威將軍給事中領榮府  
法曹叅軍接武白雲之士驤首

素朝之會鞭馭之間柳揚風  
彩及天綱四張宸居載蕭轉  
通直散騎侍郎寧朔將軍北  
道大行臺郎中加寧遠之号  
而二相驕矜一德致爽甚芒  
刺之猜伏尚方之劔枝幹為  
梗禍猶崩坼仍雅踈屬入據

寶圖授中書舍人尋除通直散  
騎常侍冠軍將軍無給事黃  
門侍郎仍領舍人天人未免符  
璽改授復以常侍領舍人於  
時迴天轉日不心三公詢子工  
言翕肩側目公持之有度一毛  
不動履正唐和泯然無際轉



司徒掾常侍將軍如故論從  
北巡之賞時宰尔朱隆以公曾  
失其旨侯遂不及我不屑已  
橫議更以為高授太中大夫  
東將軍轉河南太守斯遷舊  
鄴伊洛蕭條關寇東窺荆蠻  
北視公招懷初附慰恆遺黎鎮

以寬重莅以廉正西過南撫威惠  
俱洽風化所被歌謠迄今盛宗  
景烈皇帝四端斯啓五彩行集  
應試作範朝府崇開以公墜遠  
遠韻高引為司馬俄以敷奏寄  
重復授中書舍人兼嘗食典御  
中軍將軍魏孝靜言次訪公升

柄所相對以聞隨時所求曾  
識其甚慎也如此而嗟敬也逾  
深復除黃門鎮南將軍舍人如  
故出行梁州事高明旁鑒哀矜  
下臨窮為政之上榮盡牧人之  
大體當時秦中醜類侵擾類  
川三軍出討千金日費歸令如



霜徽發猶雨公心計屈指願  
眇已得人吏驚悚咸日神明轉  
使持節都督義州諸軍事本  
將軍義州刺史凌輔捺曠嶠潼  
阻恣慕義攜負抑日新秦公  
綏以清靜化以簡易高枕閉  
閣無欲無為庭有人羅之雀

邑無妄吠之犬圖畫相傳俎  
豆不絕徵拜散騎常侍征南  
將軍掌知東宮事地日少陽  
重光監國崇賢冠帶博望巾  
裾莫非高名上才霞舉仙步  
非直左右前後咸求正人公  
時表國華舉朝瞻想叅政

儲后風猷惟穆耳其翼亮二  
宮遂階三事邈五君而光輔  
冠一代之偉人而陽鳥入巢陰  
堂夢講奄嗟代序之從遽深  
停市之慟以天保六年十月薨  
於位春秋若干追贈本將軍  
幽州刺史太常考終定謚曰質



禮也惟公天璞不雕全德斯在  
應物隨方攸往必適至若先  
意承志終始加人永懷風泉  
之感長結茵斯之慕逮於任  
事以官進德而祿處順持方可  
久可大發跡暮歸移朝變市  
劬勞出內經關險夷履揚公

之潔方夜逾衷執葛相之卒  
如稱弗動任真居坦得喪忘  
懷弗懼武兕無驚雷電濟陰  
魏諷交傾時右鬲令表毅質  
滿朝賢凡此族也曾無蒞介  
使當屨執鈞心敬而小朝倫  
國望希風竦目紡毛帶草之

容捧手如舊乘軒結駟之子  
雅語猶新忻敬可加貞固不  
奪清裁方格人間推重邁種  
積祉英異咸歸婁踰九竒子  
過百鍊終以四照八達言揚事  
舉敷贊邦典會通政術丹青  
王化羽翼天朝冠冕縉紳跡術



綸棟幹皇上深嘉股肱且懷  
舊德表閭戟墓義有存焉復  
贈使持節都督冀瀛滄三州  
諸軍事驃騎大將軍冀州刺  
史尚書左僕射司空公以天統  
四年月日改卜於此處故吏云官  
姓名等僉謂寫音調律爰自

於神之感事形聲當存於誠  
契道繫於人云雖絕名憑於  
迹、有可圖伐石懸鏡之山  
傳響鳴鶴之地其詞曰  
恒山北臨河流東折夏海漱澤  
寒門甕絕地蘊精靈人表莫  
烈高冑洪緒標其殊傑輦車

而往兼贊獨擅智踰方陳勇  
超百戰翼子氣矜貽孫風扇  
旣遠無屈節高非賤奔載  
風間幸備潛地池龍行躋鳳  
毛當矯變化稱神昇降為寶  
克仁克義能大能久言愬百  
行來謀十官價重良玉名馥幽



蘭在國多否為臣獨難芳草  
能勁比木凌寒府誅朝易後  
命端至趨奏青蒲對楊丹地  
分符外踐擁旄出莅立事立切  
殊途一致君子兼濟英猷允塞  
推道崇儒存韓尚墨曲藝罕  
顧異端靡或由我被人自家

形國體正居雅成務龍樓下  
資教義上屬謀猷在川方楨  
於生若浮玉門筮水張氏懷鉤  
珠林重穎碧堂隆構凌雲迴  
擢冠山標秀國慕杼蘭朝宗  
領袖宸鑒攸揆礼斯崇一舊  
旌賢申命文物增輝山原超

忽冠蓋露衣空聞不朽孰與  
同歸悠々大化人間復非

後周大將軍楊紹碑銘一首 并序 隨薛道衡

若夫天地之大德聖人之大寶

其惟生位乎生有終而位有極

道恒存而名不朽故雲臺驕

閣所以圖其形二哥史頌所



以播其聲公諱紹字某弘農華  
陰人也靈源發於姬水丕緒  
分於晉國西京丞相乘朱輪者  
十人東漢公輔服衮衣者四葉  
本枝日盛景福潛流逮我皇隨  
鬱為天族祖國鎮西將軍又定  
新興太守或擁旄杖節式遏

寇戎或剖竹要銀撫導眩俗  
文猷武略燠乎鱣簡而洪河  
帶地砥柱發其英靈太華干  
天高掌騰其秀氣誕茲魁士  
是稱間出月角山庭幼彰奇  
表遠情正骨本異常人連城  
三五未足比其內潤照車十二

不能方其外朗鳥巢魚圖莫  
不覽閱珠韜金遺偏所留心  
既有拔俗逸群之姿常懷激  
水搏風之志天柱大原王肇  
開霸道廣招俊傑深揖高名  
引屠魔下于時魏經落紐羣  
凶競逐葛榮虵食鯨吞拔燕



滅趙類蚩尤之徵風名雨若共  
工之絕地傾天太原王親勒熊  
貔直指漳滏公提戈橫厲躍  
馬先登凶衆凡解頽有其力授  
監軍都督既而秦隴妖寇鴟張  
蝟起始則孤鳴惑人終乃獸飛  
噬物賀拔岳一時雄武出制天

泉公別統支軍任當群帥筭無  
遺策戰必先鳴旣展破竹之功  
允膺折珪之典封饒陽縣開國  
伯邑三百戶尋授征西將軍金  
紫光祿大夫轉衛將軍右光祿  
大夫侯莫陳悅內懷斲伏潛運  
凶謀變起棘門害加上將周大

祖昔經委質情深發憤越自  
藩部星馳赴難建旗摠衆志  
弥仇讎公亦叶贊莫圖同茲義  
舉凶魁剿戮誠効兼宣授大  
都督鼓節尋封荊州冠軍縣開  
國公邑五百戶加通直散騎常  
侍進車騎將軍左光祿大夫齊



神武遷斯河朔，包括山東，傾韓  
魏、齊、楚之兵，引漁陽、上谷之騎，  
千里不絕，百萬為群，濟自臨晉，  
長驅馮翊，周文潛師沙苑，以窺  
對衆，公猛氣從橫，竒謀間發，或  
縈左拂，右或撫背，衝心鄰敵，大  
崩，集輪莫及，榮功飲至，誠力為

多授儀同三司蕭鐸援有渚宮  
鱗梁偽位躄左江右湖之桀悅  
朝雲暮雨之神負臧不脩政  
刑日紊燕文公受柯執律吊人  
伐罪公分勒戎麾共為犄角螿  
於競上梁欂爭前楚若所以銜  
璧郢都於是庶定拜開府儀

同三司封儻城郡公邑二千戶天  
和元年進位大將軍歷任燕敷  
幽三州刺史凜風雲而舉八翅  
垂雨露而撫千圻服冕彰其  
寵榮洗憤表其清慎而表上  
祝齊侯之壽終自妄言句芒錫  
秦伯之羊徒虛語耳春秋七十



有五以周建德元年薨於幽  
州贈成文扶鄧泚五州諸軍事  
成州刺史越公年月曆於公所  
易名考行謚曰信公禮也惟公  
志度察廓風儀雋之偉運屬  
連橫辰生造用武之日控權寄  
之馬精貫鈎鈴帶豪曹之劍

氣侵斗斗折衝禦侮除暴靜  
亂竒心比於孫吳切業同於衛  
霍輕財貴義好賢下士相困  
內之米曾不介懷散廩下之  
金聊無怯意呼船不棄彈鋏  
更重故能氣蓋三輔聲振一時  
鍾慶有徽克光浚蔡第子

司空公廣平王雄藩屏皇家  
鹽梅斯鍊仰惟過遊之訓永  
結陟咄之哀故府佐姓名壽以  
為陳太丘一介邑宰尚有改名  
之禍郭有道儒生者身猶興  
愧之詞况乎盛業鴻勳瑰才偉  
器而可翠石徒寢丹筆空栖乃



勒此豐碑樹之來裔垂芳猷  
與懿範共穹壤而俱弊其詞曰  
嶽靈集社台宿垂光高門右地  
蟬聯克昌緇衣朱紱玉鉉金章  
日祖日禰令問令望爰降菁華  
挺茲瑰傑志識開爽心神昭徹  
幼標壯氣早著奇節好覽兵

鞬能明軍決河朔挺禍凶寇橫  
行宸居所食霸后專征奮茲  
魁勇摧彼妖鯨武安凡落神  
巖石鳴二雄交爭三方未一陣  
雲不解兵星屢出策預廟謨  
切宣戎律圖庸命賞加榮進  
秩周戈祭戟獸節龍旂六轡

背四職駢、出喧朱鷺入敞黃  
扉班條按部布德申威人類  
鵷鷺壽非龜鶴孔壺漏盡金  
高標景落葆吹龍吟蕭愜魚躍  
鑄金模範為山葬霍前基已  
峻後肩弥隆作藩論道既王  
且公踐霜濡露迢遠慎終敬



刊琬琰播美無窮

大將軍趙芬碑銘一首

并序

隨薛道衡

若夫搏扶搖而上九万者必有  
垂天之羽翼苞島嶼而納百  
川者必有出日之波瀾斯乃  
大器所以懷遠圖宏才所以  
膺重任故有出地出洛之佐

為梅為礪之臣  
翔諧帝道  
緝與庶績亦何代無人哉  
淮安定公繼之矣  
公諱芬字士茂  
天水上邽人也  
自瑤池御駮  
鈞天射熊  
歷王澤而逢神  
登常山而得寶  
縣續載祀  
莫靈不絕  
十一菜祖融  
所謂荀令若

人也高祖逸壯思高才雲飛  
趙盪寇之為蓋時字即其  
飈豎已桂人搖史筆不復架  
屋施牀曾祖琰祖賓育或  
頻贊藩雖屢嘗銷艾立言  
展事歿而不朽父儲演分符  
賜札樹德於名邦朱鷺丹



惟衰終於蒿里而歎靈起  
皐繇出龍宿感周勃生公資  
靈特挺氣稟純粹殊武仲  
之木性偏實異文舉之金精  
太多孝窮行本仁為己任崇讓  
去伐絕矜尚之心豁情順理無  
喜愠之色先聖徽言味之而

不倦雕蟲小道能之而不為  
物望坐高聲譽藉甚周太祖  
肇開相府咸選僚佐引為記  
室轉外兵遷內書舍人尚書  
兵部郎職乃應星人同披霧  
豈直張燈流緝固亦覆被  
見知周受禪除冬官府司邑

大夫又為陝州總管府長史天  
府地軸二國並興伊洛靖函  
百樓相對金星大宿芒角恒  
動牙璋羽檄晝夜交馳公叅  
贊戎機運籌幕府三川之地  
呼吸而并吞九國之師遠近而  
不進加儀同三司仍長史徵入



朝歷御伯納言進位開府儀同  
三司稍遷內外府掾吏部內史  
御正三大夫天官府司會春官

府司宗領夏官府司馬封淮安

縣開國子前後任熊折二州

刺史公志識高瞻幹翮優長

遍歷群司咸居要重文墨堆

几主者環階照理若鏡明剖  
滯如劔剖及擁旄杖節按部  
班條家承禮教化致清靜東  
夏平授相州天官府司會進爵  
為侯大象元年置六府於洛陽  
除少宗伯攝夏官府事二年拜  
上開府進爵為公大隨飛名

帝籙九叶天序火木異行鳥

龍殊號號開皇元年拜大將軍

東京尚書左僕射封淮安郡開

國公東京罷授京省尚書右

僕射三年兼內史令僕射如故

自金運窮地華夏陸沈聖人

之軌則罕存先王之風格咸盡



皇上撥亂反正康俗振人標  
明政典興復禮教公內掌綸  
緋外司端揆若四嶽之遵行  
堯道猶八元之輔成舜德方  
驗大水馮舟良臣見任巨魚  
聲聖主得賢二年除蒲州  
刺史加金紫光祿大夫以公

羊時者邁故優以外任也蒞  
事四周風化大洽屢辭以疾  
解臧還京九年抗表乞骸  
骨聽以大將軍淮安公歸第  
仍降璽書兼賜几杖衣服被  
褥板輿等皇太子遣使致  
書賚巾帔等七種春秋七十有

七以十四年薨於京師之太平  
里王人弔祭謚曰定公禮也粵  
十五年厝於小陵原惟公靈  
府內融虛舟玄運有禮有法可  
大可久從政立朝五十餘載垂  
纓拖玉卅餘官文馬華軒不改  
素士之操當軸據要弥懷恬



淡之心方正確然風塵不染  
清白自守脂膏莫潤故能名  
行兩全始終俱美扶陽濟濟  
豈得獨稱專相東都藹々自  
可繼軌踈公而隨武可作餘  
風未泯公業不亡析薪有寄  
佐官姓名等仰惟威範畢志

不追雖良史德迹藏於東觀  
尚書故事留在南宮而風煙  
已合莫辨成樓之氣松栢且  
摧誰知夏屋之所乃勒此高  
碑樹之幽隧同扶風之下馬若  
襄陽之愴淚其詞曰  
長源遠曹出翳分秦文祠二客

襄祭三神縣紀歷代鍾慶累  
仁不常厥土所在稱珍潘美家  
風陸陳祖德勇惟威緒播此  
淳則代龍製衣纓門傳儒用仁  
成里以信為國惟公降誕早  
標風際雅量遠情動無近對  
研尋百氏下上千載立行寬尤



出言可佩繁數鐸祀報德酬  
庸頻移人爵屢荷天寵黃扉  
置府赤社分封堂高陞峻實  
著賓從斯命歸火謳歌去木  
五運載新三靈改卜蕩滌區宇  
澄清埽躋任初股肱誠深砮  
浚漢委四竒魏凖五俊居今

望古綽有遊刃應物英明  
持身淵慎名教斯在風猷  
坐鎮表上祝壽句芒賜年三  
達已具五福無憊高情知  
正大璞能全蘭陵金散沛邑  
車懸千月易往一生俄度白  
日滕城黃腸霍墓石麟詎起

金雞豈呼銘讚恒存聲塵

象布

驃騎將軍王懷文碑銘一首并序 薛收

蓋聞惟生為貴輕之者類於

鴻毛非義不居取之者同

於熊掌當仁處命不其難

乎故斛儻不羈之才英奇傑



立之土遑々重志業落<sup>落</sup>達功  
名心貫金石之中氣逸烟霞  
之上雖則山淪海覆霧卷塵  
飛償節捐軀蹈之由已斯為  
美矣豈徒然哉若乃慕廓  
千齡柳楊万代獨顯非常之  
効以終國士之恩高烈振於

邈年義聲聞於當代則騁騎  
王君見之矣君諱懷文字思忠  
太原祁人其先姬氏周室之  
胄水府山宗之秀載挺瓌竒  
此行重出  
胄水府山宗之秀載挺瓌竒  
瓊林桂苑之華夙承休祉騰  
芳上葉流慶後昆故能異

人鬱起雄圖間出祖魏常  
山郡主薄博野丞寓量沈深  
養名蓄德父膺齊儀同臨  
翔鎮將風格凝峻居仁蹈禮  
並藏器於身蘊材傲俗若騰  
精玉守稟性金方少負不資  
之質長嬰斲施之累跼步通



衢戢翼中野矯迹嘉遁行  
運觀時暨炎曆將終皇猷  
奕德生靈阪蕩翦為寇亂九  
縣區分四郊多壘君攘袂激憤  
袖戈抗節既濯鱗羽思遇風  
雲是時四柱方傾共工之難尚  
梗五星不聚漢祖之業未隆

空懷耿介之心猶阻奔蹠之  
路劉武周滔天猾夏荐食晉  
陽宋金剛剽邑屠城挺惡汾  
浦乃以君為偽上柱國行軍  
愬管非其好也君久悟焚巢  
恒思擇木終觀投石未安累  
卵行危苟免言遜俟機

太尉秦王建旆東轅元戎北  
指出九天之外引百勝之師  
星駭雷駭剋平大憝既乃烏  
合為群俱同鍛翻獸衆之內咸  
遇翦毛而一面開羅三駭致禮  
捨鉤焚櫬特降優隆光被寵  
榮式加殊命乃授驃騎將軍則



大唐武德三年也王充負鹽

青丘流氣紫極屬南巢放藥

之始西伯事殷之初窺覩非

異妄干大寶 聖上愍茲黎

首情軫納隍救彼淪骨思同

濡足吾王奉遵廟筭受脰袒

征蠶金遺玉鈐之謨運沙城

石陣之略鑿門畫閭柏定舊  
都君乃陪顏戎麾俱參列將  
自毛師浴汭結壘印山醜類  
逋誅屢犯旌旆若鷹鷂揚  
視展効獻功未撫千里之塗  
翻垂六鳥之翅鍾儀去楚不  
捨南冠華元入鄭未通文馬

王克置之左右情加推信仍授  
偽官無優封爵君乃詭同背  
誕密運忠規潛圖去暴庶恢  
茂績方欲梟除元惡贊我大  
猷越以四年二月王克悉其步  
騎出至城西吾王馮軼觀兵與  
其相遇旗鼓雖布鋒鏑未交君



乃獨銜神謀先騰壯烈袖戈  
電擊撻劍風趨決搃兩陣之  
間申威乃人之上一發則貫其  
左股再申而折其右肱凶魁  
僵仆應時顛趾奔鯨赴穴桀  
犬如林以無因之迹駭不存之  
地莫不眙目驚視廢手頓足

雄夫爲之亡曹猛土於焉累  
氣流光奪景浮雲變色喙益  
數步之中躍刃重圍之下以直  
制衆援阻路窮交鉞莫禦結  
纓終斃於是聲嘉玉冕悼  
感瓊枝四國嗟傷三軍悽愴  
司儀奉命致禮輜轅昭賻所

加特起恒典切書天府爰降  
王人詔贈公官謚曰公禮也  
君質茂松筠心標鐵石慷慨  
有丈夫之操磊落懷烈士之  
風運偶物艱時鍾德喪闊節  
高度不以細行自拘爽氣通  
才方持雄略為重厲兵車九



合齊楚之地未寧天下三分  
高周之道初草君乃屈迹抑  
憤與俗沈浮違亂去惡歸  
身大造既荷生育之賜方酬  
出岳之恩犁閭無虧造次  
斯在發忠顯効殉主捐軀  
登太行以未危帖焦原而不

懼故能抗逋藪之敵怨致天  
誅於巨猾雖則荆卿奏曲空  
進燕圖豫讓吞聲唯驚趙  
駟鬻秦之例戟懷惠輔氏之  
結草酬恩此事論功固不同  
年而語矣吾王重義敦本情  
深嘉尚永言遺節有邁前

脩以為紀績詮名彛章之盛  
範鏤鍾鐻斯邦家之弘訓  
乃命勒茲玄石式達豐碑樹  
美無窮垂芳不朽方見雲  
飛幽隴飄飄與生氣俱浮吹  
動孤松蕭々與餘風共遠其

詞曰



於穆顯宗肇分姬姓休緒曷  
弈靈源斯威鶴舞周儲鳥  
飛藻令流福所響傳芳遼  
復木禿高林波騰巨壑莫  
竒弈載傑人間作是日趨  
材茲稱勇略稟質侏儻遊  
心寡廊珠囊掩曜玉弩騰

暉霧擁玄闕虹貫紫微一人  
喪道地庶無依逝莫以騁翔  
而未飛皇運膺期帝圖惟  
始野有龍戰人同燭起望阻  
昌期迹淪干紀處異信國居  
非仁里姦魁放命肆逞汾陽  
推轂台鉉授律文昌威宣取

亂績著侮亡氛稜既滅遺  
梨以康雷作既解風行斯  
泳茲渥澤去彼危亂躍鱗  
清波厲羽霄漢乃優寵秩  
隆禁觀疆萌縱慝稂廢為  
群嵩邛地阻伊洛川分五  
命將六郡興渾言從戎政




展鴻勳桓、正夫蠢窮寂  
舉斧未弥吞舟猶漏墮伏  
無虞前茅爽候翻逢鱉本  
乃同夷胆違邦靡貳苦節思  
負志除封豕庶翦長鯨神機  
奮發竒略允成惟義是蹈茲  
軀以輕烈氣外楊雄規內翼

拔棘超距橫矛再事渠魁既  
接孽黨咸暨劔及王僚鏖  
加吳淖人稱韓相地日樓蘭  
捐生怨府建効鋒端論切彼  
易語迹今難致命所欲垂名  
不刊森々壯節凜々風度易  
水方寒邛山永暮月照泉戶

烟浮松路唯餘俠骨傳芳竹

素

文館詞林



四百五十一







文館詞林卷第四百五十三

碑卅三

百官廿三

中書令太子賓客監國史文館學士柱國高陽郡開國侯許敬宗等奉

勅撰

將軍三

虞<sup>世</sup>南左武侯將軍龐參碑序一首

褚亮左屯衛大將軍周孝範碑銘首

并序

隨車騎將軍莊元始碑銘一首

并序

隨右驍衛將軍上官政碑銘首

并序

左武侯將軍龐參碑序一首  
昔者彤雲受命樊灌佐其  
雄圖白水興王耿賈宣其  
上略並能尉羽躍鱗培風  
激水誓丹書以達國錫青  
社以開基居陳五駢出馳



千駟威矣哉切臣之無為貴

也眷言前列疇能踵武大嗣

斯風者其唯安化公長乎曾公

諱字相州鄴縣人也靈源

導於姬水胙土因乎魏邑

戎備文仕晉光命朕以厚

大邦戎習武遊梁握兵符

而居上將自斯累荼微猷  
相踵洛下名相仲達顯其  
龍章襄川竒偉士元騰其  
驥足長戟高門軒冕相繼  
彤諸雕篆可得言焉曾祖  
公齊中散大夫陳留太守  
登高能賦凌雲之氣已道

下車布德甘露之祥斯表  
固已陳諸往跡紀乎前載  
祖人齊襄城王西閣祭酒  
鎮西將軍父人北海郡丞  
正議大夫並德業相傳家  
聲不墜清談萬論芬芳無絕  
用能載挺時俊克冒先緒



公體膺景緯氣稟英靈容  
貌都雅風神秀異資忠履  
孝彰於臨綺之年武藝雄  
才見於愔旗之日鸞孤妙  
於百中擊劔踰於千里於  
是氣蓋山東名馳海內思駉  
龍媒用申鴻漸豈直梁甫在

咏上瀨長吟而已哉弱冠為  
左翊衛執戈武帳整笏禁闈  
便煩左右爪牙依屬遇矣德  
無象雅缺其亡雕騎隨滿月  
之兵鷹門列陰山之陣公頻  
駮七萃出自九重右控六鈞  
左揮雙戟莫不擐旗執馘後

殿先鳴勇冠當時勲高莫府  
蒙授朝散大夫既而霧昏九  
縣塵飛五嶽戎狄交侵藩維  
內侮公乃銷聲晦跡言念卷  
懷語嘿沉浮用觀時變及欽  
明在運經綸維始孟津同德  
之侶沛邑大号之初莫不杞



樂爭趨奉圖歸命公早達興  
亡夙布誠款乃贏糧景從憑  
風撫翼于時天步猶艱王途  
尚梗偷名竊号蝟起蜂飛公  
每羽義師率先銳士銜枚束  
舌夜襲晨趨沉舟焚次義  
無旋踵氣奪九軍戰同三捷

以平霍邑之切蒙授開府  
儀同三司薛舉負阻秦川  
凶徒甚盛仁果嗣虐同惡寔  
繁爰降神武龔行天罰公頻  
率精騎亟引軍鋒入地道之  
九重超石城之百刃踰艱履  
險奇績居多捨爵冊勳帝用

嘉正蒙授大將軍以馮異之  
謙撝加衛青之榮号論功  
序爵朝章斯允值馬邑叛  
氛侵擾疆場龍迹酋長為  
之聲授陳豨疆兵尚老叅合  
盧芳壯騎或喻高柳桑折  
膝之氣磬引弓之力无戎致



討遠臨句注公將率義勇親  
稟宏謨躬先士卒奮不顧命  
雄劍長駟大殲凶醜王充阻  
兵怙亂竊據伊湏秣馬河華  
連鷄趙魏相王宣威闡外杖  
鉞斲門公以前茅左矩劄兵  
深入凌孫瓚之嚴城絕王籬

之甬道元惡尅弥厥切斯茂  
及取劉闡於洛州破徐贛於  
兗邑常隨大旆每翼轅門權  
堅陷陣所向披靡拔幟揚  
徽隨揆應變殊勲茂績大  
居河山蒙授上柱國封真定  
縣開國侯五年以久勞戎陣

奇功克舉優秩仍加用彰勤  
蒙授秦王府左三翼衛府右  
車騎將軍七年授秦王左一  
副護軍其年又補左內馬軍  
副惣管九年六月以業穎艱  
難効彰忠款蒙授左衛副率  
其年七月詔授右驍衛將軍



其年九月改封安化郡開國  
公皇上膺圖邇歷臨撫萬方  
永言惟舊恩榮弥重爪牙任  
切僉議所歸貞觀元年七月  
詔授左武候將軍居陪闈錡出  
導金輿式式道之青旌引金  
吾之緹綺戎麾文物光暉朝野

方當比跡韓吳齊切衛霍陪王  
檢之封翊蘿圖之駕而銜珠  
表瑞弗永於百年坐樹留名氣  
傳於千祀乃韻明月之暉劍  
滅連星之氣精粹所稟何其  
促歟以今貞觀二年六月三日  
遼疾薨於雍州長安縣之安

文淵閣

九

仁里宅春秋卅有五 皇帝悼

深往席恩同詔鑿贈公官謚

公公禮也惟公少稱弘量喜

愠不形尤長武略仁而有勇

及感會風雲立切成務謙虛

下物始終無改雖復關羽有

國士之風祭遵懷儒者之操



無以加也粵其年十月甲戌朔  
廿一日甲午寔於雍州長安  
縣之么原遺孤藪然不勝孺  
暮同氣友睦弥庸急難爰建  
豐碑式鑄不朽宣令名之各  
涑播遺芳於可久乃作銘云缺  
左屯衛大將軍周孝範碑銘首

并序

褚亮

以夫聖人有作寶歷應期  
賢傑於是降生叶贊以之同  
德望方邵而長想起韓白而  
高步彌成久大之功寅亮邦  
家之業騰芳前古垂裕後  
昆身與朽壤同弊名隨鍛帛  
俱遠俾無愧色其唯誰敬公

字公諱孝範汝南安成人也  
姬水降祥惟王於是建國周  
原命氏因生以之賜姓積德  
綿遠歷載悠長公侯繼及家  
族重映主射雄辯頌美於秦  
君絳侯質直終安於劉氏宣  
克之竭心土佐子隱之勸節邊



壇目斯已降可得而言者也曾  
祖公梁散騎常侍太子左衛率  
廬沔二州刺史保城肅侯早標  
譽望雅有幹局用能杖節擁  
旄樹功立事祖陳車騎將軍都  
督八十二鎮諸軍事定安二州  
刺史武昌壯公張幕臨戎塞

惟在牧殊勳表於甲令茂賞  
盛於博史父公隨大將軍使持  
節永桂雲三州愬管州一州諸  
軍事左武衛將軍譙僖公舊  
德非遠汗竹紀於聲芳遺愛  
所存甘棠表其歌詠自保城  
著績武衛安邊宣條千里於此

三業繼踵方牧時論榮之公惟  
岳降生含章秀出湛機神而  
內融肅猶宇以外峻因心本孝  
之義發自天資率由立身之  
道匪因傍習姿貌疎傑容心  
方嚴穆乎苞不測之量毅然  
有難犯之色兵書軍志雖不



學於孫吳嘉謀遠筭自追蹤  
於衛霍弓矢盡蓋延之妙騎  
乘均王濟之工州閭推其敬  
讓宗戚歎其淳厚美譽所歸  
獨高茲日隨大業三年起家  
齊王典籤其年授交趾郡司  
倉書佐趨臧藩庭出臨荒裔

冀北之步雖涉於康衢圖南  
之舉未申於冢廓于時炎精  
已季二徵將地公卷舒其德  
沉浮體命殆均亭伯遂遠出  
於遼陰更似文休亦竄身於  
外寓及皇朋草運品物咸亨  
越自遐方歸于京城主上昔

在雒城任隆分陝撲燎原於鍾  
岱止橫流於溟渤遠求時亮  
用清中夏公亦推誠霸王委  
質興王附翼之機因搏風而  
自遠蹤鱗之致與委水而爭  
擊武德五年授秦王府右  
庫真車騎將軍君右之舉



諒侯勳賢析衝之任乃昇惟  
幄公之此選寔允得人九年六  
月改授太子右內率仍檢校  
北門諸仗宮率精兵見稱歷  
載儲闡禦武充光顯職奉雞  
戟以趨侍肅龍樓而巡警其  
年授千牛將軍封宜春縣公

食邑一千戶地擬封君榮超  
戎秩將軍之禮寵賜比於命  
卿建武之選名號隨於制敵  
貞觀元年授右屯衛將軍於  
至武門領兵宿衛仍以奉職  
出使北蕃宣揚國威曉諭邊  
俗班奉四條之書肅清万里之

水使還又領宣武門內左右廂  
仗肅鈞陳於中禁排闥闔而  
上征羊祐之握兵機典犇之  
統軍帳任寄之重恩私罕匹  
五年轉授左衛將軍襲爵譙  
郡公加邑二千戶乃司攔錡奄  
有茅賦象賢先於繼及承



基盛其出字六年以奉官檢  
校殿中監事公累昇顯授正  
在勤官故能入司武職兼總文  
吏人資才幹任華宮省公勸  
精為政見稱明察七年興駕  
幸于九成天駟觀風毛警尤  
切神居所寄控枰斯重乃興

左僕射玄齡同掌樞禁昔漢  
后出征馬防留後魏帝巡幸  
徐宣統兵方之往賢之稱連  
類公勵志竭誠言則不隱嘉  
謀謹議知而必為中旨勞問  
寵賜優洽既舊杞疴恙遂淹  
氣序夏如遘疾載迴天曠

於是加授左屯衛大將軍封爵  
如故方且羽儀當代將鑿具  
僚成大夏之棟梁濟巨川於  
舟楫而夜臺忽掩朝露已晞  
未勒實憲之山遽終畢萬之  
牖七年薨於京師天子為  
之輟朝追悼者良久乃贈工



部尚書餘並如故有司考行  
謚曰敬公禮也惟公識量明  
遠風神爽發蹈德無怠率  
禮不違絜操乃出於冰霜貞  
心有踰於金石至於鄉閭之  
教規範之言石廢愧其餘風  
王祖慙其家法非典暮之書

弗尚非忠信之言弗踐輕劉  
德之貨財重季布之然諾終  
如一心涉歷二代口絕臧否行  
無玷缺加以長於武藝妙識  
兵機金壇奇正得之於懷悅  
玉鈴攻取無勞於積習祭遵  
儒術未足方其雅歌曹仁智

勇纔可用其勝自臨戎御衆  
蒞政當官節約以檢其身寬  
和以接其下不矯飾以招譽豈  
乾沒以徇私在公必聞奉上無  
隱焚書草而方奏問溫樹而不  
言趙武之情留管庫晏平之  
祿及朋友而宣化從芳塵



不追投竿致其掩泣下機所以  
流恨豈非有始有平之功之  
事者哉即以其年永定於萬  
年縣之某所三河甲士還陳出  
塞容五校饒歌猶奏旌軍之  
曲覘山之拜弥懷於舊思原  
氏之阡更開於新道公早著

款誠夙展勤効沛公初起蕭何  
舉宗而有歸晉祗肇基何曾  
在朝而盡敬故能特昇爵位  
偏隆寵渥書社千室身祿萬  
鍾曲旃雄戟之重文軒銷弩之  
貴當代近臣罕出其右薨徂  
之日朝野興悼思加丘隴禮備

哀祭爰命有司立碑隧道昔  
者西漢殊功唯頌美於克國  
南宮舊事正畫像於中華未  
有勤茲丹宇旌斯玄地發自  
省衷永胎相質天古地久  
與時代而長存石散金銷隨  
風歆而共遠同夫庸器之典兼



取雕戈之義銘曰  
縣縣姬緒弈弈  
幽風克纂遙  
胄惟茲懋切家  
象台哀人出  
才雄祖考載德  
勲庸在躬是  
為人譽復紹名  
公盛業長祀  
猗歟積慶誕斯  
明哲實標莫  
今孝資感仁由  
天性潔比清

沐皎同懸鏡  
藩庭入仕水  
鄉從政勇冠  
秦隴聲馳函  
洛譽美遯外  
績宣臺閣運  
逢霸道時惟  
聖任乃司禁  
衛兼謀惟惺  
寵越等倫思  
踰藩岳天爵  
斯重時榮已  
隆是惟顯職  
兼司禁中竭  
誠奉上捐私  
徇公勸

行無怠當官匪躬文能附衆  
武實收功人擅榮寵族華卿  
相迺求懿德惟人之望職重  
中軍名超列將摧梁奄及  
禕才長裘油素傳芳丹青  
表狀逝川不息拱木行陰猶  
迴慈悼尚結神襟恩加陳席



寵越遺簪追榮惣洎榮贈  
交臨化運長往空嗟德音百  
身靡贖千載猶生沒貴無朽  
唯茲今名銘開古石地上新  
楚年代滋遠上陵或平曠言  
芳烈永樹風聲

隨車騎將軍在元始碑銘一首

并序

褚亮

昔姬文政典司勳詔於旂常  
魯史策書大夫稱其功伐  
洛師鏤昆吾之銘尸臣鑿枸  
邑之頌然則紀迹庸器必俟  
非常之切騰芳彝篆用資可  
久之德況乃殞身徇節捐生  
立事奮於百代之上裕乎千

載之下而無刊勒者哉公諱  
元始字長節南郡江陵人也  
若乃執珪思越非重上卿  
金入楚實文窮巷武疆命社  
采助顯於西都會計臨人侍  
從先於東國冠冕之盛可略  
而言者焉祖公義陽太守父



咸湘東內史並泛涉儒書尤  
曉兵略威之大父靈福亦守  
武陵剖符千里於此三代公  
降靈秀發資神挺生爰自  
騶綺已標機悟通家李尹  
驗其占對可觀即座顏回歎  
其風規獨遠長而異量雄姿

角立傑出苞權豪之遠度蘊  
將帥之奇材長劍博擊之機  
短書從橫之術鸞弧蟬翼之  
妙登鞏封之巧有一於此公必  
兼之仕陳之曰歷官藩府起  
家宜都王國常侍稍轉內兵  
參軍屬王師伐陳江表初定

公乃奔竄句吳山林屏迹而  
江湖礧亂輕慄合從閩越潛  
城邑平起公乃避地餘杭志  
在宣力值吳興達賊攻逼州  
城梯衝俯臨資援外絕公身  
在窮圍受屈強寇士有飢色  
人無固心而三令已明九距



設分兵決戰遂翦妖徒一州  
獲全實公之策軍師議賞乃  
授儀同三司高智慧佐亂吳  
州同惡相濟舳舻巨水旌旗  
不絕時越國公為行軍元帥  
交兵浙江雖豹略之機決勝  
千里而烏集之黨猶思一戰

公受命軍門先馳銳平運

習流而直相搗戈船而長驚

奇兵電激凶徒凡解逆豎崩

潰分竄海隅公又從元帥輕舟

遠襲山谷首豪應時殲殲水

陸阻憑隨方勦定更授上儀

同三司訖加開府於是乘傳

入朝毛衛宮掖恩踰上等禮  
出舊臣吾老既晚入之榮黃  
權乃從公之貴俄授車騎將  
軍仍從越國公北伐大俘醜虜  
振而歸尋丁湘東君憂哀毀  
為疾從權奪禮還攝太子軍  
而獐羯未賓侵擾邊氓仁壽



元年越國公愬戎出塞公任  
在支軍復隨莫府故以再從  
驃騎兩出定襄屬伯初於偏  
師隱子顏於敵國及大軍轉  
戰黠虜縱兵砂磔風飛矢石  
雨下公潰陳深入輕騎獨先利  
劍之所奮擊長戈之所仆斃

莫不高潤野草屍橫亂麻  
辨駭喪旃扶傷救死銳氣驕  
賊臨難忘身殞於虜陣春秋  
卅有六天子聞之臨朝不舉乃  
詔曰車騎將軍元始氣幹標  
勇襟神果毅情深為國志在  
忘生竭力戎行功立身殞興言

壯節有悼於懷宜追加榮位  
用申賞典可贈上天大將軍  
奉事隨由資給仍以本官開  
府迴授適子永興有司考行  
謚曰剛子禮也惟公早叶英風  
夙標遠槩資德率禮履信基  
仁出言為九斲之貴恤患輕



千金之產建乎三勳江外位  
穆台階肅恭奉上廣潔御下  
故能竭誠邊幕流慟宸襟使  
者降斂衮之榮冊書隆加命  
之典豈非忘生踟義臨邑盡  
節者哉以今二年三月六日  
葬於涇陽縣之神狐里阡臨

京地地檄德陽五校發鏡歌  
之軍十里開賜瑩之所博陵官  
屬尚惆悵於王沉謂者議喪  
寶流漣於鄧訓僉以陳君物  
範且勒頽川之碑張氏孝廉猶  
書冠軍之碣沉乃勵茲近俗振  
我溥風節士慕義懦夫成勇

言之不可以已其在斯乎乃刊  
志清徽樹之神道俾夫披文  
相質知皇代之有人焉銘  
曰  
梁楚華胄卿相高門悅拾青  
緩奔菜朱轡祖考積德踵武  
洪源洪源寔長有此人良鷹



年岐嶷綺歲珪璋高風凜凜  
逸足昂昂滯九百封披書五  
行賜璧遊趙明珠入梁宗京  
黍稷舊社淪亡獨往攸貴自  
得為場吳越輕心寇賊交侵  
連衡浙右阻亂拑陰我有奇  
策偏軍平臨良圖外斷英勇

內沉轉鬪千里觀機七擒台  
儀已峻帝寵尤深麾下騎士  
兵屯羽林權燁夕照絕幕從  
戎登蛟氣憤躍馬心雄腰橫  
楚劔項綰秦弓酣戰力屈長  
驅路窮傷情邊塞結悼神躬  
策命追遠絲言飾終哀榮禮

文淵閣  
備贈賄息隆蟻結將掩龜謀  
已同旌旒照日鏡鐸含風誰言  
不死貴在銘功

隨石駢衛將軍上官政碑銘首

并序

褚亮

若夫楚都為寶兼璜於是  
不貴梁國攸珎明珠以之非  
重賢臣者為政之樞機佐時



之棟幹鷲鳥累百無申搏擊  
之功良馬日千乃見康衢之  
力至於勲書紀狀業著司庸  
存公立事之臣沒稱遺愛之  
美則上官使君其有焉公諱  
政字匡濟京地公縣人也其  
先惟德受氏因官賜姓青史

孤其長源丹犁傳其遠葉子  
蘭楚國之大夫桑樂漢家之  
令望自此蘭兮挂馥玉閨金  
莫軒冕相繼賢才為伍九代  
卿族既已慙華七葉頂船信  
其殊寵王父公魏使持節大行  
臺原州刺史布教文昌之宮

儀形列岳之選切宣彛斯道  
冠生靈父公周使持節大將  
軍公州刺史象賢以德受爵  
惟仁盛業存汗竹之書餘風  
表甘棠之惠公夙承基緒早  
播聲芳協膺運之雄姿爰誕  
靈而秀出皎皎竒節昂昂異



雅性與江海同深莫風隨寨

廓共遠孝友之行道高於楮

紳退讓之心譽結於卿壺枝

彈劔史學兼翰榮孫子短長

之術魏君接要之書巧射匹

於陽元善騎同於武子縱情

儒業遊藝翰杖蹈道必於仁

厚結交崇其信義弱冠登朝  
備名獨遠天和元年召為右侍  
上土其年月改授折衝上土于  
時王業肇基霸圖將構妙求  
賢係允屬勲庸公劬勞草昧  
竭盡心力依日月之末光晷  
攀附而長想大象二年奉別

勅依儀同例是日勲舊乃披  
荆棘獨升朝伍弥簡帝心及  
革命從時應期詔運宗昌特  
拜既可為儔何曾盡禮尤其  
相匹開皇元年乃授儀同大  
將軍賜爵安養縣子芾土之  
恩爵頒五等蒲璧之美榮高



一代五年授左武候車騎將軍  
八年以本官兼長春宮惣監  
武道之官實須禦侮離宮所  
幸必資供辦十六年授左備身  
府驃騎將軍十九年改領右親  
衛府驃騎將軍惟左惟右兵  
兵攔於是得才或內或外鈞陳

以之載肅仁壽元年獯粥孔熾  
控弦犯塞烽火通邊薄伐之  
選非公勿可於是奉詔徂征  
鞠旅深入結武剛而為陣運  
衽席以致兵出其不意忽然  
相接將士用命思蹈湯火斬  
獯不窮遂殲巢穴十一年進

授上大將軍改封義清縣開  
國公食邑一千五百戶加地  
進律策勲命賞戶口盛其租  
入光寵備於朝章三年授左  
備身將軍四年以本官檢校  
慈州刺史事于時晉陽搆亂  
賊氣未靜漳滏之寄心膂攸



歸公式遇寇虜清遐迹關  
河克定趙魏無塵於是黠吏  
畏威小人懷惠龔杜之化諒  
在茲辰賈邠之風固其慙德  
大業二年授潘州道行軍總  
管憬被海隅不遵王略公執  
鉞偏師宣威外閩除其氣亦

選方靜謚三年徵授左武衛  
將軍項之又授右驍衛將軍  
升降形闡駟馳紫複聲稱斯  
遠朝野穆然其年晉班新令  
官号初改於是更授右光祿  
大夫將軍如故及鑿駕西幸  
怨其南征轍迹所臻方任尤

物於是又以本官檢校西平  
太守壇場偏隅竅戎樓境公  
導之以德齊之以刑羨狄相  
趨疆絡而至釋冤理訟無勞  
於鈎距以寬濟猛不行於皎  
察得經邦之妙旨識美化之  
有由可謂共綏兼稱能吏求



之古人老無愧色循良之化  
載暴於天朝脩短之期奄捐  
於人事上主輔善既已無徵  
勾芒賜壽豈為誠說公年云  
月遘疾薨於官春秋五十有  
五天子輟朝不舉追思將師  
之臣萌庶罷市相悲同興環

秩之恨有司考行謚曰某侯  
禮也惟公早契宏圖夙標令  
聞天經地義得之於自然蹈  
德依仁匪由於傍習廉潔不  
私精慎無怠莫窺喜愠罕測  
堤封履行斯和所交必信見  
慈如由已聞善若順流寬裕

足以容衆矜宥可以勸物既在  
貴而能降實居榮而好讓夏  
初弱歲洞曉兵略攻取戰勝  
之機隳城陷敵之勇每至營  
圖却月氣折寒膝矢石如飛  
旗鼓相望公則雅歌臨陣為  
扇從戎威稜獨遠隱如敵國



加以終始一心駢馳兩代並銜  
征討屢典軍人去必見思居  
帝稱臧故能服冕乘軒獨  
榮當代擁旄杖節垂譽後昆  
豈非斯人之秀士有國之良翰  
而道長運短零落無時一襲  
名賢同悲弥悼即以今十一年

還葬於京地郡公縣之平原  
古者王臣之勲必書方策貽  
厥之義式銘鍾斯前志有之  
之以明鏡言之不可以已其在  
斯乎嗣子公等在家惟孝登  
朝必聞上弘思親之道傍求紀  
德之事於是刊石宣風永貽

相質頌曰  
辰昂降精人物之英門多才  
秀族有公卿永錫流祉繼迹  
揚聲通駟華鼓牙委長纓  
迨茲今肖竒姿挺生咸德祀  
長屬在人良黃中岐嶷青頌  
珪璋如彼鳴鳳曜彩朝陽如



彼振鷺矯翼高翔閭室無  
怠幽宮獨芳心齊竹柏操  
沐霜從橫劔杪遊息文場  
叅霸業策定勤王董司軍  
要展力返方武陪蘭綺著  
績衡漳勲存賞冊勇冠戎  
行申威朔野尅定邊荒時  
逢交泰

運屬重先巡警載肅劬勞  
以彰出典專城方隅廓清屢  
權封豕豕翦長鯨一年請借  
暮月斯成銀黃威寵金爵  
餘榮悠長運促促浮生運龍  
堙沒送鴈哀驚陽陵卜地  
洛誼占瑩藏舟不固深谷

終年死而可作惟茲今名

文館詞林



卷第四百五十三



文館詞林

四百五十三



文館詞林卷第四十五 碑卅七

百官廿七

中書令太子賓客監修國史知文館學士柱國高陽郡開國公臣許敬宗等奉

勅撰

都督一

東晉孫綽江州都督庾冰碑銘一首 并序

東晉張望江州都督庾翼碑銘一首 并序

東晉伏滔徐州都督王坦之碑銘一首 并序

梁孝元帝郢州都督蕭子昭碑銘一首 并序

北齊魏收兗州都督胡延碑銘一首 并序

都督一

江州都督庾冰碑銘一首 并序一首 東晉孫綽

君諱冰字季堅潁川鄆陵人也氏胄之由累葉之載  
固已被於竹素播其名跡矣君則左將軍之子太尉  
文康公之季弟也喻嵩巖之玄精挹清潁之絜流貞  
質侔於白珪明標屬於南金少有令規元兄噐之常  
以為庾氏之寶有晏平之風司徒辟不就博士徵秘  
書丞封西陽縣都鄉侯司徒右長史吳王以母弟之  
貴肇建東藩守相之任寔杖親賢乃授吳郡內史望  
境而清風興踰時而仁澤洽蘇峻之亂京都傾覆君  
乃東奔會稽遂與諸郡同舉義兵于時豺狼縱毒寇

黨焱熾正旗雖抗衆心猶懼擁徒保險毅於勅敵君  
厲色攘衽請為前列驅烏合提偏師徑據舊都推鋒  
西進抗封豕之衝振熊羆之氣東夏克濟君有力焉  
又遣司馬滕舍先登石頭擁衛乘輿奉迎鸞蓋忠勲  
之至實簡帝心進封新吳縣開國公推而弗當除給  
事黃門侍郎退而弗居出撫會稽加振威將軍尋增  
号征虜君明允貞固達於從政化行二邦式範千里  
雖勃海之歌龔遂潁川之詠黃霸箴足方之徵領軍  
不就朝議以君器充廊廟幹周時務可以弥綸政道  
叅贊皇極遂徵還臺俄而加左將軍揚州刺史中書  
監仍除使持節都督揚豫兗三州諸軍事雖名器未



極而任盡臣道正身提衡銓括百揆知無不為謀必  
鮮過端委待且則有心宜孟約已訓儉則擬議季文  
夫吐剛茹柔執政之所易橈矜已尚人乘盛之所難  
遣君平坦無私勞謙宜欲當時之所難於君而易之  
矣於是慨然遠覽量已知退高揖帷幙投跡藩屏杖  
節都督江荆益梁交廣寧七州諸軍事車騎將軍于  
時南夏多故賦役殷興万里蕭條人亦勞心君乃休  
之以無事綏之以惠和政有亨鮮之詠人懷寧一之  
歌沛若洪流之引枯鱗滄若時雨之霑塵柯建元二  
年康帝崩徂北庶喪氣朝野莫憑太后遣大使徵君  
輔政以底人志將寄周霍之重當阿衡之任君固執

遠圖確然不迴冬十有一月九日薨于位臨終存國  
思不出位遺制恭謹廢情尚義夫良玉以經焚不渝  
故其貞可貴竹柏以蒙霜保榮故見殊列灌正而不  
亂者有矣未有亂而弥正者也考終以證始即事以  
徵心少長能一其度貴賤不二其道文康文雅固於  
是乎弘著矣皇朝震悼有識掩涕誠以良臣既喪國  
有弥悴之虞棟折榱傾人懷壓焉之懼致感之由豈  
虛臻哉追贈司空謚曰忠成禮也故吏王某等哀哀  
龍之虛襲慨皇維之不綱援甘棠以興慕思自同於  
三良乃攻石樹碑以永刊洪烈其辭曰  
洋、浚、潁、巖、神、嵩、流、滌、溥、氣、嶺、扇、祥、風、萬、生、公、侯

情虛位充臨川椒潔仰華思崇凌險斯夷處滿能沖  
方恢遠猷皇極是贊進陶玄氛退康時難繁霜夏被  
脩梧摧幹仁之云徂朝野銜歎如或可贖人百其筭  
儀形永戢光風長煥

江州都督庾翼碑銘一首

并序

東晉張望

君萍翼潁川雩陵人也其先帝鴻之苗周大夫庾皮  
之裔高祖徵君抗清雲之皓志考左將軍執懿德以  
熙緒遐胄啓于玄聖洪慶休乎百代是以徽風載芳  
清塵繼軌逮君兄弟冠冕江左文康弘具瞻於前忠  
成光人譽於後林蔚嶺秀之標川澄海納之度固已  
式准羣英而煥乎當時矣君吸軋剛之純氣誕命時



之偉姿清粹聞於志學英風暢於立位孝友通乎神明安懷著於耆胤宇量淹通識具融達明鑒燭微而不矜昭晰之容高朗弘豁而不浪放逸之跡道味玄詠則擯笙乎象繫之津墳研典折則慎微於五教之域噐掩物軌度貫衆藝儀領峩然若衡岱之標秀崑神氣充暎若清霞之爛朝陽蔚々爲昂々爲寔期運之挺根而縉紳之領袖也始辟太尉掾參軍從事中郎翻翻芳澤鳳集台林雅杖希夷緝和鼎味洋々然其猶波瀾之濶長津也時預謀克捷酬庸班爵封都亭侯除鄱陽太守舉納遺事政存亨鮮尋遇元兄太尉推轂陝右董衡有存而榮非所甘於是懷親忘祿

巾褐而歸龍盤家巷放心嘯詠西伯之受恭行也望  
境而興懷焉尋建脩邾城以庇人祐土以君為建武  
將軍西陽太守董率三軍披榛立政未及暮月而惠  
納著矣于時沔漢不靖庸蜀內亂江陵居二寇之衝  
握進禦之會伐罪固藩望鍾隼哲於是銓衡羣寮精  
簡高美以君懿親之秀遂應邾子之選遷使持節領  
灌南蠻校尉建武將軍南郡太守尋轉輔國將軍播  
徂荆川陶仁舊郢踐境而敷喪葬下車而明黜陟摧  
略形勝之幾整鋒運武之要承規英伯屬當奮伐甫  
將抗旌西指先滌江源而遇太尉傾祖朝野震懼聞  
外之重匪賢莫倚乃授君使持節都督江荆益三州

諸軍事安西將軍荊州刺史徵還武昌以鎮寧內外  
尋加江荊益梁雍司六州都督君常以地接辰極乾  
惕盛滿雖諸昆守之以道而冲忒之誠弥至每在出  
處之際未嘗不雅思進心而先盡謙挹之德也屯務  
所纓於斯雲萃故專征興復之勤遂讓夷而當之矣  
于時初喪元輔畿宇殍瘁羯虜承間狼逸郊境烽燧  
屢舉人無盜心君雖提衡嗣畫一之烈紐網振惟新  
之緒申教官能綏撫邦域罷遊厯抑淫祀閱戎政明  
市獄開誠心以布公詢謹言於輿綵勤勞謙於昧旦  
始儀刑於闔城擢廢駿於沉濫考名實於庶績通躬  
燕涼則二邦協連師之盟鷹揚六境則疆陲弭逋樂



之謀蒐練示整則五城縮安陸之戎竒師西探則四  
壁退江陽之醜遐迹寧肅而凶黨震潰頻加江豫州  
刺史君以為設位存乎樹賢：並所以周務竈靈魚  
荷弗之當也先夫固本正末大宣皇風濃化美俗崇  
善濟人申懲勸貳流泮枉直惠加荒札仁興弔祭礼  
信弘敷而邦域鈞漢廣之詠愛人平賦則坳野存史  
克之歌徂刑成矣下知方矣君以神州之難大恥所  
存否終之會運存函夏昏阨非盛衰之虞動戎勞射  
隼之銳故緩崕山之圖而先河洛之舉於是乃厉義  
声激羣庶樹爪牙連方鎮訓卒補乘闔境爰發省煩  
役以紓人象逋萃以充務農不瘳職而軍實以殷班

号終朝而區內響應飛雲盖汚連於千里緯二伯雅  
統之逸尋方料急病之勤肅若長風之赴素節沛若  
江漢之迴迅源也遂進鎮襄陽以逼臨宛許既乃杖  
皇威以北眎據電發之機領長轡夙灑則万里應控  
義声雲翔而遐外宅心明大順之師絕錐刀之捷峻  
方城於千尋溝湯池於九仞浮粟屬於漢濱嘉苗蔽  
於千畝杜津灼之斲制商夷之禁綏舊人之業重侵  
掠之刑立典客以禮賓節苞鮮以簡役淳醪素投故  
熊羆爭奮冬景柔暉而華戎響悅雖諸葛渭南之師  
亞夫細柳之整方之箴如也於是革音回面之渠縱  
負企踵之繇其猶斂翻之歸鄧林涸鱗之望海澤也

轉持節都督荆梁雍三州諸軍事刺史如故尋加都  
督荆梁雍司冀五州諸軍事征西將軍夫制寇存乎  
控引故俯僂恭兼督之命名爵繫乎定勲故沖懷讓  
加崇之榮赫：乎投袂之雋誠勤王之遠略運之以  
戎昭斷之以果毅雖童泉未濂而寇審梟期雲罩四  
罩而鴉鶚待裂矣建元二年康帝晏駕俄而季兄司  
空薨逝陽九垂消而釁剝累集願睇嵩華撫劔夙慨  
釋狼狐殆發之機謀尚父旋軼之會皇基之攸憑寔  
伯甥是賴故且反旆江湄以鎮靖万里乃授都督江  
荆司冀雍梁益七州諸軍事征西將軍領護南蠻校  
尉刺史如故虽則鸞衡暫隄而宏網振乎四維握勝



俟時而英籌懸於朱幘也。是以明教訓，咨思融政道，  
揔括竒雋，啓樹風聲，引彰表儀，導宣禮則，名教光被，  
仁風四暢。方將運神羅，連絕蹤，揮欒槍，以電掃，豁百  
六之氛濛，朗金精，以熙玉燭，贊璇機，以一乃邦。豈徒  
擬烈名陵，方休踐土而已哉！然後齊蹈川巖，投蔽遐  
想，功遂迹喪，凌風獨往，景命不永。春秋冊有一永和  
元年七月薨于位。天子震悼，羣后含慟，岱傾仁委，何  
痛如之！追贈車騎將軍，諡曰肅侯。禮也。惟君雅詠蓬  
宇，則極心冲，寄解褐應務，則偉績允熙。運軌否剝之  
極，惣轡經綸之時。疆理糾紛，吐握日異。雖業連三辰，  
而布衣之心，夷地無危，溢而虛挹之，休隆疊乎。彝

倫之領味盛位之弘夙君寔光振之矣仰咨前哲俯  
憚時難每喟然永懷何嘗不竈維匄臆標至公為已  
任焉夫昆彭之能究其勲姜邵之能遂其道者或運  
階陽升或靈嘏脩祉惜哉号天不弔雋轍与屯塗並  
消宏規与促齡俱逝朝殞基棟之輔野喪弘化之豪  
泉涸林拔鱗羽曷歸凡在有識逮我臣故追述七德  
永歌九功目想軌儀心存洪略痛神景之長淪悲哀  
童之虛設思鈞甘棠哀同黃鳥撫膺陶慕靡所寄心  
乃相与鑿石紀德以恭揚徽烈其辭曰

玄象日曜童房澄景靈煖荆河氣渟嵩嶺我君侯  
含章秀挺玉振流津金昭暉頰掇量浚川儀仁崇嶺

肇自鳳栖惠響播芳扇翻扶搖舒映朝陽懷之休邁  
如彼霄翔遂撫衡漢抗我宏綱亶々遠猷赫々規宇  
制陝恢略時惟隼輔四隣引領絕維翹武將廓軋羅  
滌夷昏沮隆替靡期回應有會志朗踳氣天衢俟泰  
望舒滅罔慶雲消萬辰極掩暉蒼生喪賴哀貫皇穹  
悲延遐外仁基雖淪英風永蓋

徐州都督王坦之碑銘一首并序

東晉伏滔

君諱坦之字文度太原晉陽人也遠源氏族之始帝  
王則天之盛國史載之詳矣聃鳴鳳於伊洛知隱淪  
之羨觀玉帛於西山仰丘園之位爰自高曾逮乎烈  
祖東海名位遠流繼軌二代考騁騎令公清貞簡正



名重一時高鎮夙流憲清百辟君承積善之純祐鍾  
四葉之休慶膺皓粹以載德資大和以陶量溥基嘿  
殖邃度溫潤枕藉道業不峻崇尚之軌含明內映不  
以前識先物夫其孝友之性天誠特受道心玄默領  
識淹深悟懷所屬必即象以存其致理思幽研必自  
流以究其源加之以和中善誘觸類資通弘長之潤  
彰於虛受之韻存當之心坦於廢已之誠故能周應  
羣方而不渝其真泯然莫逆而貴賤有位望形者仰  
聃而日親希夙者覩契而彌敬由是聲重弱冠夙流  
推美鳴鶴在陰道契哲王辟撫軍大將軍掾則荀文  
皇帝也自相府叅軍至于大司馬長史歷官有六累

職顯要固辭弗居誠約納於明后屢讓光于朝野頃  
之遭簡侯憂喪過乎毀殆不勝哀君子以曾閔之性  
不是過也服終裏爵藍田侯拜侍中領左衛將軍太  
和之末天地革正咸安之際哲后云徂君以時望管  
要綢繆主相之間熙贊盛明王猷允塞將翼幼冲陟  
降無違山甫之勤至焉王臣之心盡矣轉中書令領  
丹楊尹尋遷使持節三州都督北中郎將徐兗二州  
刺史于時太宗登遐元輔仍徂浹辰之間天岳傾落  
朝野尖罔四海喪氣可以保固皇根當代謝之寄者  
數賢而已夫有餘於安則君子罔其高枕亂者求理  
賢指以之馳驚君自澡身應位出內從容中道雅杖

夙体功務之事未之厝心艱運來属經綸在我授手  
之興與事而至矣夫内康存乎外寧強幹所以隆本  
北藩密迹任重陝東用輟心膂之要以應方邵之舉  
君乃投夙駕即鎮淮徐其為政也推至公布誠心明  
甄勸振義夙將引羣才虛衿日吳約法崇信練真蕩  
偽善之所存臺榭盡其心化之所被幽荒引其領惠  
既沾而物懷令未周而無犯故淮岱之人靡然向夙  
隣境仰流邊虜思順忠武之在渭南鉅平之鎮襄沔  
方之莅政異代同規矣惜乎盛業始基靈筭方申遠  
猷屈於促年仁功運而未融春秋卅有六薨于位觀  
夫識契之士盭境之心莫不撫襟内悼咨嗟累歎豈



唯存亡致感人理之慟我寔懼兼梁木而愛百於甘  
棠也惟君惣角標秀体備德成素履謙約在隆思復  
純誠黜至不異心於顯昧正情遠槩不染慮於風波  
少而覃思易老停神幽贊婉想深興悠然遠對柔詠  
一室理暢懷抱疊々焉信有以玩天下之顯而樂得  
其志矣既乃感運龍躍仁為己任憲章大業緯範人  
倫覽三遊之傷化故軌之以王度感放蕩之忘本故  
檢之以格言臨危安命在終弥亮貽位音於二相垂  
明鑒於千載允可謂掇心伊邵造次必於是者已故  
吏姓某等陶漸日化伏膺訓範感一遇之莫尋悲道  
融而功廢乃相与鑿石紀行以存厥實其辭曰

神理停照妙氣虛融哲人乘和映秀黃中根由貞邃  
德以深冲量苞溥致字蘊仁風翼素業陶我遠猷  
泯以淹識會深應周枕藉儒道深緯六流標形者器  
即心則柔昭德無迴運有夷屯皇上委誠百姓歸仁  
慨爲忘已乃經乃綸舒翼一援大庇斯人望古遐憲  
王業攸遵道之不融閭風其墜負景方昭中天絕轡  
人亡孰嗣塵焉誰庇敢勒遺範式存髣髴  
郢州都督蕭子昭碑銘一首 并序 梁孝元帝  
蓋聞克明俊德元愷之臣具焉思皇多士毛畢之佐  
存焉由此論之昔者明王靡不咸樹賢戚俾立宗子  
逮五長以御都鄙作六瑞而典邦國其爲日也久矣

皇梁革命欽若前經於是制詔御史推恩分邑吳平  
忠侯蕭公茂親明德勲功事勞故以書太常之旌藏  
司勲之貳惟寧之美於是裕哉公諱某字子昭蘭陵  
蘭陵人自玄鳥作猗那之頌白馬致萋苴之歌克黜  
禍難然後保姓守氏締構漢主然後涉魏而東胤聖  
挺賢英豪繼踵祖左光祿府君休王季之位考東陽  
太守躬締紉之仁國有惇史詳諸譜繫公惟嶽降神  
才為時出寔川興氣翰彼于宣載色載咲異駿明之  
言善一孝一友非陽子之貞濟道位功事兼蒞兩陸  
保家經國摠括二韋息藝以依仁澡身而浴位解巾  
凋補齊晉安國常侍踵武龔舍連步紉寧虽未鵬飛



且資鴻漸出試永寧令岑鼎方泊牛刀始割日撫鳴  
琴不以河陽為陋時摘雅賦更覺齊都為鄙永嘉人  
胡仲宣等千人詣闕請公為郡將欲許焉齊氏以長  
沙宣武王勲用公為步兵校尉公覩黍離之際木運  
不長故遠魏朝不論人物時遵漢典或校兵書既而  
夏癸昏繼商辛廢礼社稷鎮衛用明允而嬰戮時宗  
人誓由正直而亡身自宣武王違此淫濫公與時用  
舍知命樂天達平仲徐行之音慕宣尼弦歌之德仰  
逢六師西指五緯東攢火燭前殿兵臨作室公乃製  
衣具沐將濟屯膏遠自郊門奉望鉞鉞賓客樂從者  
數十百人中興元年霸府拔補寧朔將軍行南兗州

事遷輔國將軍監南兖州昔馬越之領游擊馬恬之  
典吳郡即此麾号皆用宗戚傳呼甚竈識者榮之加  
以密迹北門寄深關柝殷人未狎四郊多壘藪澤遐  
曠逋竄所逃陳午擁衆於郟山庾希竊發於海縣既  
外鄰戎境內患萑苻自獨夫奔常憑暴歲甚師之所  
處加以荐飢公閑於殿亂善於因即政不悞弱濟維  
寬猛撫循莞幼鋤剪豪强州無滯積公無禁利莅官  
行法善政斯在惟皇建國品物咸亨舉功行賞各有  
分地封人設遺典命授圭封吳平縣開國侯食邑一  
千戶進授使持節督南北兖青冀四州諸軍事冠軍  
將軍南兖州刺史既同宗義之号且等去病之功爰

初徇地迄此作牧人無菜茹之勞官無芻秣之費先是王師北討戎帥捐戈天子命我受脤建節有詔龔行犀櫓不蔽武車綏旌九地靡韜其術轅門誓衆八陣咸盡其謀故以威讐隕霜化行絕漠者矣遭太夫人憂僉曰金革奪禮有為為之且遵故實別詔敦勉公稱情立文以奉權制每一感慟飛走相趨時宮衛俟賢朝難其授諒湏才冠遙集識無謀遠乃徵公為太子左衛率遷輔國將軍衛尉卿昔漢調銚期心資效數之力魏選董昭纔求巡警之備公之此舉允膺掌荅何心不毅之清正立成之文雅同日而語我轉左驍騎將軍兼領軍將軍自延康改革任均盡灌直



以御史之印不易趙堯先零之舉無踰充國故超茲  
河沛越此英盧枕是常均攝官而進介之樊漢昔之  
關輔盖惟軫牽之野仍為輿質之邦楚襄好會之所  
劉牧郊天之地雖非甘泉密時實有伏竜鳳鷄王業  
所起家出將相漢臯之陽八命為重推轂之寄九牧  
所先乃授公使持節督雍梁南北秦四州郢州之竟  
陵司州之隋郡諸軍事信武將軍監蠻校尉雍州刺  
史褰帷就道去襜為政廣眎遠視薦清貶濁惟來百  
蠻悉為我用秦土不敢彎弓胡人不敢南牧駟介徒  
兵日充王府師出以律遠無不懷徵右衛將軍石頭  
戍軍事又授使持節督南北兗北徐青冀五州諸軍

事信武將軍南兖州刺史昔郝鑒再撫朱序重臨懸  
牀尚存遺積猶在俗稟王濬之風人懷尉英之政厥  
後興滯還聞在昔徵為領軍將軍加侍中昔卞壺之  
加常侍王劭之領納言虽並在中候彼有慙色遷安  
右將軍監揚州并置佐吏即以茅為府于斯時也脩  
學創田勉耕分祿不然官燭罔蓄私絹朝野具瞻權  
寄日重公常思損挹以避近親上優遊未許斬守弥  
固乃出為使持節散騎常侍都督郢司霍三州諸軍  
事安西將軍郢州刺史給鼓吹一部初奔安竟陵犬  
牙虜界縛馬沮軍亟有竊發公移書告示虜即焚戍  
保境風教如神万里清溢方當永贊隆平粵登三事

天厲不弑春秋卅七普通四年薨于位詔贈侍中  
撫軍將軍儀同三司侯如故喪反舊堂路由皇邑親  
降銜躡禮優詔葬某年葬于某郡縣之某山蓋曰忠  
侯禮也公奉親不匱匹曾柴之役昆季天倫深姜繆  
之爰資忠履信席義枕仁從諫若轉圜用賢如猶已  
佩觿之日則伏誦千周垂髫在年則懷書百遍風鑿  
散朗吐屬淹華宮牆有仞莫窺其宇喜愠無形誰見  
其色遵養時晦柁攜以禮亟撫邊人屢董戎政玉門  
之關仰其威洽金附之國梃其風猷每銜詔中都叅  
聞三宥朝有常刑每用中典人惟國本上能紀職廉  
邦法而有平反坐嘉石而無骨怨知人善使自家刑



國筆硯皆有方略履履並得其才詭對造膝汗漢嘉  
告函訪密奏手書毀草是以明主敬焉公既博聞強  
記雅好詞屬坐朝餘暇臨聆末景壯夙塵之客延好  
事之賓成誦在心發言可詠名馳合浦以南譽滿交  
河之北非夫純粹鍾羨利物長仁孰能功參五臣行  
兼九德若此之盛者哉詩不云乎樂只君子邦家之  
基其忠侯之謂矣故吏某等以為封墓作謚衛斯晉  
鍾皆古典也仰緣皇朝褒終之美謹遵披文相質之  
義可以奮乎百代永旌不朽乃為銘曰  
顯允君子惟梁之睦綴食帝宗兼家皇封乃文乃武  
乃明乃淵冠代羽儀如鴻在陸孝盡色難豈伊為養

亦有兄弟咸宗退讓州閭曰仁友朋稱諒聿求禮本  
言歸後尚用賦王門鳴弦下邑憬彼桐鄉令圖已立  
否之匪人時屯勢急斜徑不行亂邦豈入受師億萬  
商旅如林六竒王略十亂一心創制爰始天命斯謀  
奄有千室邦家是臨齊俗黍離餘風未更濟濕喉襟  
忠侯為政朱軒駟馬旌旄增映恤獄問寃人肯繫詠  
徐戎叛援自昔不虔授我齊斧清我邦邊蹕林蹶角  
遂掃穹氈人無怨讟師以勝旋乃司三秩遂掌八屯  
元戎式摠擢授便煩外數軍實內肅帝閭宗臣在位  
王室是尊秦中顯敞聞諸載藉虽假楚都事華前跡  
班宣條詔光今邁昔必則令典為教所擇淮海惟揚

是稱司隸寄矣中撫其儀逮逮威而不猛寬而有制  
三獨歸高十邦感惠蘇秦從說寔曰夏州巖城郢  
作捷中游乃睠西顧惟賢是求去茲商洛樹彼徽猷  
降年何早曾不憇留皇情軫悼萌庶若抽輟春罷市  
痛我忠侯人道不遐令名長久矧伊樹德歸全砧手  
於穆嗣侯遺薪克負弁菜載德隆茲不朽神瑩既已  
日月有時桓、竈贈班礼台司我 文物哀以送之  
誰旌不朽 斲  
兖州都督胡延碑銘一首 并序 北齊魏收  
若夫叅天兩地之尊承運據圉之貴降日貫月之禎  
流星照電之感莫不叶道冥神應靈貽祉越由內主



之訓克隆外戚之重是故城葦配位聿興往載任姒  
佐合寶前王魏肅宗明皇帝出自於我仍葦丕顯  
餘福潛被大齊之家有万邦皇風之披攘九土增茂  
範於重光振徽猷於昌厯武成皇帝造舟降礼忻合  
當成願塗山而告徵遊洛上而投契家業崇於削山  
門徂深於委水王諱延字山安定臨涇人司空文貞  
公之曾孫相国文宣公之孫中書監公之子今上之  
外祖父也自卦呈觀否之体兆著媯姜之業蘊嘉氣  
之精累神物之澄非直山靈水伯降位流祉雲感木  
变効貺開符達人賦命上善咸極君子克生中和必  
惣虽性不可聞而心随物化符彩秀廉温如和玉精

華映徹爛若京雲一見眸子暫仰骨法嗟王卽之絕  
倫許刘君之遠到遇師則學衆賢歸道來扣必應群  
俊鑽堅加以律度清上夙範玄曠在高而靡礙居深  
而不阻對揚古今綱羅術藝極能事而矯然窮多方  
以獨立名賢奇士先後同歸俗仰萱蘇時傾金壁魏  
司空任城王声高望遠雅俗朝宗王屈迹觀人振衣  
投刺倒履降階果異常等辟書仍降為參軍事勅除  
尚書右主客郎中厯轉二千石右士二局舍握香蘭  
趣伏墀屏覆衾題柱異目咸推仍除司空司馬加威  
遠將軍行河内郡入調金鉉出執竹符水玉載穆風  
雨必致既而茵駢空設棖桶云感慕動群物祭出非

時或絕漿半旬或去監歷載恩錫摩絮之衣詔喻強  
食之禮起授尚書吏部郎中固辭數四終於奪情權  
衡在手楊清激濁人地畢進草萊咸舉入轉給事黃  
門侍郎遷散騎常侍領秦州大中正敷奏歸高談議  
推重刀尺所加共仰清裁拜七兵尚書從中書令竈  
泉已斷鳳沼增清轉侍中加撫軍將軍光祿大夫金  
章紫綬復拜中書令溫毳臨首鳴玉垂腰含章待問  
格言獨遠加驃騎大將軍左光祿大夫仍除吏部尚  
書持節北道行臺二千石已下便宜黜陟風馳万里  
氣振百城庶平忻其布帛貪殘解其印綬復領秦涇  
二州大中正出除使持節都督兗州諸軍事驃騎大



將軍兗州刺史更滿還朝復行梁州事竒政異迹遺  
爰作歌殫所未聞方傳故老以某年薨於位春秋若  
干詔贈使持節都督涇州諸軍事大將軍涇州刺史  
太府卿太常考行謚曰惠公以某年安厝於公所惟  
王神府洞開靈鑿懸燭會百慮於常窈愍萬籟於希  
声形質有崖忘懷得喪機神不測与时用捨本立道  
生自家聞国学優而仕振野光朝比高雲漢為羽儀  
於日下並峻山岳佐瞻望於海內無惑奪魯龜之智  
不言折楚客之辯理家抑轟々之氣立已遺赫々之  
名傾賢解駮趣士迎罔居後而更先持退而逾顯勢  
如烈火可等華井之寒富同金穴能比太舟之散故

使鴻休景福終然沈臧礼邈齊紀榮超陰竇永惟盛  
 位之隆申以不常之典更贈假黃鉞使持節都督定  
 冀并瀛青趙滄齊涇濟梁兗十二州諸軍事驃騎大  
 將軍定州刺史左丞相太宰司徒公錄尚書事開府  
 儀同三司永昌郡開國公安定郡王爵尊域內望崇  
 天下未極棟宇之右方与陵谷同化所以衣冠長感  
 追仰芳塵故吏姓名等慕深拜泣式鑄琬琬敢作銘  
 曰  
 自媯作陳徙齊於秦河靈岳祐風声日新無競惟祿  
 在空祢人羽伯歸鳳毛長宗麟代有盛位門應介祉  
 帝娶西陵王迎渭渙我闻天眷休命致止道邈外親


風高戚里官由位舉榮極人童珪辟為瑞車服以庸  
門交節鉞室列歌鍾匪先伊後更曰臣宗逮我嗣業  
實弘休緒金声玉罔霞騫飈舉搏夙抑揚承日容典  
富輕齊魏貴薄梁楚克弼朝猷亦展王度万機增損  
六條宣布素几云錫畫褰載露秦川逾仰荆市先慕  
光景不息日往時來殊礼加数哀人告哀光前絕後  
邈矣悠哉家賢崇構言歸八才朱表高臨青松上刺  
峴山不殞樓氣方積式染

誰今誰昔

刊堅石茫々千古



文館詞


 林卷第四省五十七

